



2136
156
216



畢 𠄎
𠄎 𠄎
𠄎 𠄎



陳氏叢書
聽詩齋藏

天有文而雲霞變色地有絡而川岳殊形五色同適於目而藻纘異施八音同傾於耳而絲竹別器文章派別極意營構模範無越性靈自瀹故雅趣風情騷懷賦心體有不同并臻於妙若夫城中高髻里婦捧心下土趨風有識避走無他識曲者聽其真逐迹者難爲巧也有明詩流吳下擅於青邱越中倡於犁眉八閩工於膳部東粵盛於西庵西江妙於子高各有軌轍不相沿襲自茶陵崛起籠罩才俊然當時倡和襲其體者不過門生執友十數輩而已暨前後七子出趨塵躡景萬喙一聲其間獨照之匠若荆川遵巖震川變秦漢爲歐曾易詰屈警牙爲字順文從允矣君子展也大成已至升菴子業諸公藻豔擷乎齊梁簡質得自魏晉冲淡趨於陶韋沈

雅參之杜韓滅竈再炊異軍特起余於戊集採輯十數名家
直取胸情劃絕畦町冀與海內詞客共究斯旨也光緒戊申
仲夏黔靈山樵陳田

光緒戊申貴陽
陳氏聽詩齋刊

明詩紀事戊籤目

卷一

楊慎

五十九首

卷二

高叔嗣

二十四首

卷三

薛蕙

三十八首

卷四

華察

二十二首

卷五

皇甫冲

八首

王廷陳

三十三首

楊巍

三十二首

皇甫濬

四十九首

皇甫汈 三十五首

皇甫濂 九首

卷六

頓銳 二十四首

齊之鸞 十首

李濂 二十六首

卷七

許宗魯 三十二首

黃佐 三十一首

張時徹 二十六首

卷八

張含 十一首

張合 一首

金大車 四首

金大輿 三首

馮惟健 一首

馮惟重 二首

馮惟敏 七首

馮惟訥 七首

栗應麟 三首

栗應宏 八首

侯一元 二首

侯一磨 一首

何良俊 二首

何良傅 一首

王昺 一首

王杲 一首

卷九

李開先 二首

王慎中 十三首

唐順之 八首

陳束 七首

趙時春 一首

任瀚 四首

熊過 一首

呂高 一首

卷十

鄧徽 一首

汪本 一首

吳益夫 一首

周允中 一首

呂相 一首

景陽 一首

戴大賓 一首

方豪 三首

戴冠 五首

胡纘宗 二首

唐龍 五首

毛伯温 二首

周金 二首

王應鵬 二首

歐陽鐸 一首

徐文華 一首

夏良勝 一首

陸震 一首

程啟泰 一首

盧煦 一首

王大用 一首

顧可適 一首

陸伸 一首

丁奉 五首

卷十一

鄒守益 三首

顧彥夫 一首

林文俊 一首

夏尙樸 四首

柴奇 三首

常倫 四首

王以旂 一首

張璧 一首

王道 一首

許成名 二首

汪文盛 一首

屠僑 三首

游璉 一首

王思 二首

汪必東 一首

趙德剛 一首

周廷用 三首

孫繼芳 一首

周敘 一首

南大吉 一首

胡佩 一首

王濤 一首

鄒頤賢 二首

卷十二

唐皋 一首

劉天民 六首

馬明衡 一首

劉儲秀 一首

范輅 一首

朱鳴陽 一首

陸倅 一首

盧雍 一首

袁達 十三首

張縉 七首

蔡昂 二首

蔣山卿 十二首

林大輅 一首

顧璵 三首

簡霄 一首

翟瓚 一首

林炫 二首

顧可久 一首

陳能 一首

雷應龍 一首

陳器 一首

戴欽 二首

霍韜 一首

田汝棘 一首

吉梁 二首

吳鑑 一首

彭大治 一首

桑溥 一首

錢憲 一首

范永鑾 一首

金賁亨 一首

林春澤 一首

張治道 二首

左國璣 二首

董穀 二首

陳文學 一首

卷十三

舒芬 一首

崔桐 一首

張經 三首

顏木 五首

王謳 十三首

王鳳靈 二首

楊士雲 七首

朱豹 一首

戴鱉 一首

陳文浦 一首

倫以訓 一首

張岳 一首

夏言 十八首

馬汝驥 五首

汪應軫 二首

鄭洛書 一首

許相卿 六首

郭渡 一首

胡侍 一首

汪佃 一首

林希元 一首

李鶴鳴 三首

曹嘉 一首

葉桂章 一首

徐哲 一首

張鎡 一首

卷十四

陸鈇 十首

楊麒 一首

張袞 三首

王同祖 二首

李士允 一首

王漸遠 一首

江暉 一首

彭簪 一首

方邦望 二首

張治 十首

敖英 十二首

張鳳翀 一首

吳廷翰 四首

何棟 一首

童承欵 二首

廖道南 一首

謝賈 一首

任瀉 一首

田頊 一首

王洙 一首

鄭一鵬 二首

吳文之 二首

陳講 一首

邵經邦 一首

李默 一首

倫以諒 一首

周祚 三首

楊言 一首

吳檄 一首

陳大濩 一首

蔣泮 一首

洪珠 一首

王璜 一首

朱子和 一首

胡森 一首

趙兌 一首

浦瑾 一首

王汝礪 一首

李松 一首

祝時泰 一首

卷十五

王教 一首

潘恩 一首

朱廷立 二首

李仁 十首

陸銓 一首

彭汝寔 一首

林汝永 一首

陳東 一首

錢文爵 一首

徐階 六首

鄭曉 三首

屠大山 一首

李舜臣 二首

顧夢圭 四首

柯維騏 四首

馮世雍 二首

馬坤 一首

盧襄 一首

黃直 一首

鄭弼 一首

葉良佩 一首

王度 一首

吳鵬 一首

徐獻忠 一首

孟思 五首

李新芳 一首

劉隅 一首

朱澗 四首

王激 二首

方一蘭 一首

黃禎 一首

金克厚 一首

陳表 一首

毛衢 一首

錢楞 一首

劉陽 一首

卷十六

龔用卿 一首

蘇祐 八首

陸邛 一首

屠應埈 四首

陸粲 四首

林雲同 一首

李元陽 三首

田汝成 四首

聞人銓 一首

岑萬 一首

袁袞 十五首

張鏊 一首

張子立 一首

王格 二首

江以達 一首

翁萬達 三首

崔廷槐 七首

樊鵬 二首

范言 一首

郭鳳儀 一首

王宣 一首

祝文冕 一首

陳仲錄 一首

谷繼宗 一首

李學詩 一首

張鐸 一首

高遠 一首

于玘 一首

孫宜 五首

顧聞 一首

鄧遷 一首

卷十七

羅洪先 十一首

程文德 三首

胡松 四首

蔡雲程 一首

楊博 一首

鄭大同 一首

鄭綱 一首

林恕 四首

楊祐 一首

吳子孝 十首

楊本仁 八首

沈愷 四首

崔涯 一首

陳子文 一首

陳節之 一首

胡經 一首

馮彬 一首

趙鯤 一首

周顯宗 一首

蔡駿 一首

張選 一首

王表 一首

程烈 一首

史元中 一首

林垠 二首

唐鉞 一首

黃中 一首

強仕 三首

劉成穆 三首

許炯 八首

黃省曾 一首

卷十八

孔天胤 四首

許應元 十一首

王梅 四首

趙伊 五首

吳嶽 二首

范欽 二首

蘇志皋 四首

浦應麒 一首

包節 一首

尹耕 六首

蔡汝楠 十首

程珪 三首

錢薇 三首

朱衡 一首

林應亮 一首

周復俊 一首

顧存仁 一首

白悅 一首

謝少南 一首

李徵 一首

沈越 一首

姚虞 一首

陳芹 一首

薛欽 三首

卷十九

尹臺 十二首

趙貞吉 二首

靳學顏 五首

劉繪 五首

廖希顏 六首

王廷幹 一首

秦鳴夏 一首

高應冕 五首

王鏞 一首

謝啟元 一首

郭朴 二首

王立道 十首

王維楨 六首

趙大佑 一首

林廷機 三首

康大和 一首

張舜臣 一首

張瀚 二首

林應麒 一首

施峻 一首

陳暹 三首

任萬里 二首

薛應旂 一首

盧宗哲 一首

郭萬程 一首

何維柏 一首

馬森 一首

孫植 一首

陳鳳 六首

牛恆 二首

趙統 二首

許穀 四首

陳斐 一首

陳堯 一首

劉佐 一首

駱文盛 一首

陳策 一首

汪宗凱 一首

胡汝霖 一首

洗桂奇 一首

陳紹文 一首

陶庚 一首

卷二十

何御 二十一首

沈鍊 一首

徐良傅 三首

萬虞愷 一首

鄭富 一首

李樂 一首

饒相 一首

黃釧 一首

蔡宗堯 二首

郭文涓 二首

喬世甯 十七首

周怡 一首

袁煒 一首

蔣宗魯 一首

陳昌積 一首

楊載鳴 一首

茅坤 一首

周鯤 一首

黃洪昆 一首

陳應魁 一首

溫新 一首

王健 一首

劉焯 一首

方興邦 二首

黃注 一首

王炯 一首

莫如忠 二首

王崇義 一首

林萬潮 一首

符驗 一首

劉乾 一首

馬廷錫 一首

程應登 二首

卷二十一

邢一鳳 一首

方逢時 十五首

萬士和 四首

謝東山 一首

雷賀 一首

范惟 一首

殷邁 一首

陳時範 一首

王應鍾 一首

何遷 一首

王材 一首

陸樹聲 二首

王崇古 一首

林懋和 二首

萬衣 一首

洪朝選 一首

龔秉德 十首

鄭渭 一首

張鐸 一首

何孟倫 一首

董份 五首

許邦才 十首

邵元善 二首

向贊 一首

卷二十二

金鑾 十七首

徐縉 六首

賈惟孝 二首

傅起巖 一首

何昞 一首

潘城 一首

丁玘 一首

沈九思 一首

趙邦彥 六首

湯珍 四首

董難 四首

張本 七首

晏睿 一首

蕭引鳳 一首

張軌 一首

明詩紀事

戊籤

楊慎 五十九首

慎字用修新都人大學士廷和子正德辛未第一人及第授修撰以議禮杖謫永昌天啟初追諡文憲有

升菴集八十一卷遺集二十六卷

四庫總目慎以博洽冠一時其詩含吐六朝於明代獨立門戶

薛蕙考功集升菴詩窮極詞章之綺靡可以見其卓絕之才牢籠載籍之菁華可以見其宏博之學唐四傑不能過也

升菴集陸賈南中行紀云南中百花惟素馨香特酷烈彼中女子以採絲穿花心繞髻為飾梁章隱詠素馨花詩云細花穿弱縷盤向綠雲鬟用陸賈語貫花



繞髻之飾至今猶然予嘗有詩云金碧佳人墮馬粧
 鷓鴣林裏採秋芳穿花貫縷盤香雪曾把風流惱陸
 郎姜孟賓笑謂予日不謂陸賈風流之案千年而始
 發耶
 藝苑厄言揚用修詩如暴富兒郎銅山金埒不曉喫
 飯著衣用修謫滇中有東山之癖諸夷酋欲得其詩
 翰不可乃以精白綾作袖遣諸伎服之使酒間乞書
 楊欣然命筆醉墨淋漓裙袖重賞伎女購歸裝演
 成卷揚後亦知之便以為快用修在瀘州嘗醉胡粉
 傅面作雙了髻插花門生昇之諸伎捧觴遊行城市
 了不為惜人謂此君故自污非也一指大裏赭衣亦
 何所可忌特是壯心不甚牢落故耗磨之耳
 國雅揚修撰詩如錦城雪棧險怪高峻
 詩藪揚用修格不能高而清新綺縟獨掇六朝之秀
 合作自斐然如題柳七言律云垂楊垂柳縮芳年飛
 絮飛花媚遠天金距關雞寒食後玉蛾翻雪暖風前
 別離江上還河上拋擲橋邊與路邊遊子魂銷青塞
 月美人腸斷翠樓煙風流蘊藉字字天成如初發笑
 蓉鮮華莫比滇中作春興八首語亦多工
 焦茲玉堂叢話正德丁丑歲武廟閣文獻通考天文
 星名有注張問欽天監不知為何星也內使下問翰
 林院同館相視愕然楊公慎日注張柳星也周禮以

注鳴者註注味也史記律書西至於注張漢書天文志柳為鳥
 之味也史記律書西至於注張漢書天文志柳為鳥
 喙內使以復同館戲日予言誠辯且博矣不干私習
 天文之禁乎嘉靖初給事中張紳疏有喬宇鬼瑣四
 字上令問內閣不知也慎取荀子非十二子篇以復
 梁文康歎日用修之強記何必減蘇頌乎
 續玉筍詩談升菴題唐僖宗行宮柱礎云唐帝行宮
 有露臺礎蓮幾度換春苔軍容再向蠶叢狩王氣遙
 從駱谷來萬里山川神駿老五更風雨杜鵑哀始知
 蜀道蒙塵駕不及胡僧度海杯礎今故在游太初為
 子言寺僧合匠鑿而丹之乃知李文饒方竹未嘗無
 對
 明詩選宋轅文日用修病在貪博故使事處往往求
 巧得拙要其天才本是新警李舒章日用修山光嵐翠
 用修繁蔚之中時見雲霞潤
 王士禎皇華記聞楊用修在滇製小肩輿如升之形
 僅可容膝張愈光含題一聯其上云人到東京須氣
 節地當西晉且風流所謂升菴者以此
 香祖筆記明詩至揚升菴真以六朝之才而兼六朝
 之學者其詩如詠柳垂楊垂柳縮芳年一篇世共知
 之又古意凌波洛浦遇陳王鷓鴣詞秦時明月玉弓

懸關山月迢迢賤妾隔湘川出關擬唐人狼弧芒角
正鸞環塞下曲長榆塞上接龜沙諸篇工妙天成不
減前作又青蛤行寄內絕句亦絕妙大抵皆自古樂
府出益都王遵坦太平論明詩獨推新都為性之者
亦自有見
明詩別裁升菴以高明位爽之才宏博絕麗之學隨
題賦形一空依傍于李何諸子外拔戟自成一隊五
言非其所長以過於穠麗失穆如清風之旨也
田按升菴詩早歲醉心六朝豔情麗曲可謂絕世才
華晚乃漸入老蒼有少陵瀟灑仙格調亦間入東坡浩
翁一派前後七子執盟騷壇海內附和翁翁成風余
採升菴蘇門君采雅欽鴻山夢山子安少玄數君子
詩次於李何之後王李之前別為一集以見豪傑能
自樹立者類不隨風會為轉移也

關嶺曲

關索嶺四十三盤高前有安龍箐行人莫辭勞

禽言

勸君早歸君歸恨不早鐵橋銅柱靈山道
熒雲霧連晴昊

客頭未白心先老歸恨不早

游女行

東風春正韶南浦美人嬌下蔡君休問上宮誰敢邀折花斜

寶珥映水正金翹娉婷惜未嫁應待逐文簫

梅花落

古梅飄古香新梅綴新粧那枝傳妾恨何樹近君鄉

峽東曲

白帝到江陵一千二百里欲試一日程須待春水起布帆一

百尺出自三梭織風順早歸來天際遙相識

江陵別內

同上洞庭波獨上西陵渡孤棹泝寒流天涯歲將暮此際話

離情羈心忽自驚佳期在何許別恨轉難平蕭條滇海曲相
思隔寒燠蕙風悲搖心茵露愁沾足山高瘴癘多鴻雁少經
過故園千萬里夜夜夢煙蘿

和余懋忠青衣別後追寄之作

抽簪畫江沙寫出腸斷詞遙寄百里人見君昨夜思昨夜復
今朝百里又千里歡遊坐成隔乖離從此始乖離渺何許異
國猶鄉土雲從青衣來月自峨眉吐雲月兩悠悠光景爲君
留因之託寶夢遠到海西頭

送徐用先歸嘉州

客有歸歎嘆言從隱者流高議在青瑣吾道付滄洲滄洲多
故人夙昔諧幽賞嘯歌丹崖邊攜手紫霞上壁津春水生波

浪動江城岷嶺秋芳落清音漢蘭若亦知江湖憂不廢登臨
樂迢迢結桂枝望望阻相思殷勤三歲字惆悵四愁詩伊予
慕侔侶睽離分晤語何時峨眉雲來作人間雨

玉蟾寺

我問金鰲僧誰名玉蟾寺題自黃涪翁苔蝕銀鉤字佛住兜
羅界僧居琉璃地絕頂似高秋清涼失炎季解鞍契夙心橫
枕諸幽思岫幌雲勿肩結夏期重至

賦得烏龍山送安公石

亭亭烏龍峰屹立九頂左翠微壓洪濤清音叩危垓沈犀星
渚幽浮健雪泮妥風雲徑路通烟霞巖洞鎖若人富奇遊茲
山近燕坐弭節入仙源心賞忘旅疴迢迢海月期蘿薜江花

采日下遲來音天際候歸舸

題唐人閨秀熨帛圖

碧梧葉落紅閨晚
玫瑰砧敲月催金
翦重重海簾銀蒜垂
曲曲山屏卓羅展
廣儲懸月月月初臨
緹幕染霜霜已深
禁痒銖衣圍夜玉
嗟峨寶善辟寒金
雲母箱悶同心鎖
鈿鉚香浮九微火
秦篝齊縷門紛華
蜀錦失綾分婀娜
熨帛申繪憶遠行
遙遙夜夜不勝情
百層妾住垂花鴨
萬里君居碎葉城
垂花碎葉音塵隔
春去秋來感行迹
深閨心斷結蠶書
絕塞眼穿無雁帛
明燭蘭膏照獨眠
蛾眉曼淥為誰妍
試看裴羽相思夕
何似徐吾共績年

題夏仲昭竹寄陶良伯驥

太常胸次瀟湘寬
少年愛寫生琅玕
白頭藝苑更入妙筆法
遠追王孟端兩家
名藻雄吳下品題未覺風流亞
一紙能令百世傳
兩竿不啻雙金價
人言畫竹非畫工
草書結構將無同
誰家高堂名寶繪
徐熙花鳥迷青紅
主人佳興松江東
寄圖索賦隨長風
遙知把玩清香裏
正是相思月明中

射虎圖為箬溪都憲題

錢選好手工
白描粉墨丹青色
阻喪細觀逸迹迥不俗
氣骨深穩形蕭放
中丞此圖開似我
行行遊獵極殊狀
漢家昔日李將軍
生射猛獸天下聞
彎弓半夜沒白羽
飛鞍晴晝生黃雲
今之圖畫無乃是
披卷似覺陰風起
積雪慘淡長白山
草木蒼乾松漠間
將軍身乘大宛馬
從騎亦是驍雄者
合圍射

虎虎帶箭相持不肯遽相下虎鬪馬驟兩若飛咆吼欲震長
平瓦東海黃公魯下莊裴旻舞劍相頡頏古來英英者數子
繪事簡冊傳芬芳何物少陵愁杜甫短衣南山思射虎老驥
伏櫪悲鳴苦壯士哀歌淚如雨天狼煌芒直威弧安得此輩
西滅胡卻走馬蹄報神都爲獻單于款塞圖

高曉曉發過滇

碧雞關頭月上霞高曉海色分人家菱塘眠柳猶藏鴉雙雙
柔櫓聲啞啞船尾風輕浪不花轉盼已屆滇之涯

交河令行贈袁子變

袁侯出宰古交河銅章墨綬雜雕戈黃雲高闕芳菲少紫塞
長城氛祲多桑榆蔭入嫖姚幕絃誦音諧敕勒歌公主琵琶

玉連瑣將軍驟裏金盤陀袁侯雕龍且韜豹白羽指揮坐中
翻阮瑀軍書王粲詩魯連飛箭劉琨嘯始信扶顛籌策長赫
赫威稜動北荒虎鈐帳外關山月燕寢香中鼓角霜君不見
隆州虞允文海鱗船破百萬軍又不見巴渝甘興霸江表虎
臣雄吳下古來文武道本同樽俎笑談能折衝六鈞弓與一
丁字調言悠悠非至公

觀打魚

石梁水落天波澄漁人放獺如放鷹編筠作航來往便往似
飛梭來似箭蛟潭無極龍堂幽江空獺飢漁人愁漁人愁河
魴喜清江一曲孤煙起

河橋篇寄用貞懋昭

渾河流水桑乾潮何年伐石架長橋玄鼉窟近填烏鵲滄海
波平上赤霄尋源知近遠浩浩鴻流滿平連太液池迴接昆
明苑帝里神皋紫氣中天江析木銀潢通澗瀟卜落應相並
灞澹朝宗詎可同星傳雲槎下城闕電逝飆馳交翼越橋外
車音響若雷橋畔闌干明似月可憐楊柳裊晴煙才見藏鴉
又噪蟬東西溝水分歧路南北煙霜感歲年沈璜使者辭芳
甸聯璧才人遙出餞別浦晴沙漾縠紋回澍秋濤收組練飛
蓋臨風緩去旌青門落日彩霞生懸知濯錦江邊夢轉見蘆
溝河上情

送客還西江

武昌楊柳荊州麥楚江春色催行色萬里遙憐左蠡人十年

同作南溟客烏相門前紫荇莊歸來養拙更何鄉鬱金美酒
盈千斛藥玉新筍醉幾場

江樓曲送祝鳴和

江上樓高枕錦江流雲霞連劍閣煙樹出刀州登樓送君秋
色裏旌旗影落清波水眺望應隨斗牛遙嘯歌直感魚龍起
江樓高江思遠闌干曲曲山宛宛雁湖寒牛渚晚石頭城如
在眼王人過家朝玉京離筵一餉惜離情別來定有相思賦
好奇同聲慰友生

月溪曲爲晉甯張太守賦

青天行月溪行水水月相去八萬里龍宮罔象巧能移月行
翻向清溪底月溪主人家在涪江濱襟懷洒落意清真金波

影裏流金篆玉練光中臥玉輪月溪子君不聞一月普現一切水一切水月一月攝洞鑒虛明有如此又不見東坡赤壁水月賦太白青天問月歌二仙似去去不返廣寒宮闕高嵯峨今夕復何夕逢君螳螂河舉頭見明月正照金叵羅持斧邀吳剛開篷納嫦娥殺卻蝦蟆綠烟滅斫卻桂樹清光多共言銀燭未須秉不飲如此良夜何仙舟歸來仍我過解紅鞵舞柘枝傥主人踉蹌客逃席起看江月墜江波君家侍立小童清似玉劈牋泥我醉寫月溪曲

東坡先生守湖州遊道場山命官奴秉燭寫風雨竹一枝於壁題詩其上至正間吳仲珪有臨本少岷文藏之慎作長歌

東坡老守湖山暇南國清遊繼顏謝舟楫行供茗雪吟烟雲坐入瀟湘畫越人翠被雨波寒官奴錦麗歌聲殘揮毫寫出風中態掀筆猶疑掌上看琅玕落紙珠生唾畫絕名縑詩寡和未論品價重三都先有風流傾四座仙翁一去幾春秋江光清徹魚龍收珮環夜冷黃州夢簫韶天遠蒼梧愁梅逕何人深慕蘭欲從手軸傳心印文藻葳蕤麤厲逼真筆端飛動唐臨晉玉雪曾郎瘦竹姿青門別我滄州期滄州吏隱丹霞想想見珊瑚拂水枝

送譚汝賢之常德

子昔逍遙龍門之橋子乘五馬蜻蛉之野龍橋爲別蛉野見夢境分明速流電忽漫相逢復語離澧蘭沅芷楚芳時後期

相期未有期長風長寄長相思

題趙東臺藩伯畫汪方伯周潭圖

青嶂插雕梁白波吹粉壁周潭之景在咫尺斷崖韋偃樹橫
靄郭熙山東臺之筆縹緲間我雖不善畫鑒畫莫如我籠煙
渲水墨如金苦心獨識良工頗詩興長凝燕寢香眞遊遙寄
洪濤柁船虹貫月棟飛雲犀躡龍綾如緘鎖

春江曲

時女玩春翹新梅發遠條風香隨步步雲彩豔朝朝悵望迷
晴浦音書候晚潮玉輪江上水心斷木蘭橈

趙龍巖少參載酒過普賢寺還舟同醉賦此

鷺寺敞初筵瀉波送酒泉沈陰迷卜晝爛醉忘回船別夢昆

明水離心蜀國弦側身東望處高誼屬雲天

李文瑞自金沙窮源至

使者尋源至將軍上隴回江流通沫若雲氣自昂嶮古樹枕
榔出殘花苜蓿開關山有明月今夜近香臺

留別三池

垂老復生離相思天一涯四愁憐遠道五噫感明時樹繞青
衣國花深黑水祠從茲萬里去莫道雁書遲

贈玉蟾僧

山是岷峨派峰如响嘯尖仙遊還駐鶴僧號亦栖蟾蘿月懸
天鏡松風襲暮禱有詩休疥壁徒爲葛藤添

辰州留別王文濟

五峰蟠五溪愁望跼鳶低三巴接三峽客淚聽猿啼夢繞浮雲北身遙落日西歸期無歲月春草又萋萋

琴姬

離筵良夜如何張女清琴當歌商聲若出金石楚奏渾非綺羅淨雲柳絮無蒂明月桂華有波伯牙意在山水湘靈休鼓雲和

十六日丙寅雲頂山寺

昨暝靈燈淨土茲晨廣濟盤陀三百六十飛陞八萬四千窅波灌頂涼生甘露妙鬘雲結兜羅何處松濤清轉似聞魚山梵歌

春興

諸葛提兵大渡津河流禹鑿迥如新彩雲城郭那無迹黑水波濤亦有神象馬遠來銅柱貢犬羊不動鐵橋塵靈關在眼平於掌歲歲蒲桃苜蓿春

謁二忠祠

學士文章謁日月尙書劍履上星辰九原松柏香臺夜雙廟莓苔影坐春山鬼嘯歌琴蘇荔海童奔走薦芳蘋經過此地同揮淚況是江潭放逐臣

見梅花

一辭青瑣滄江臥山城三見梅花破正愛家家臨水開還愁樹樹和烟墮清樽欲醉不成歡雪調空歌誰與和小院回廊日又斜高樓短笛風前過

弔孟拾遺

駱谷鸞輿再播移橫流滄海廣明時
刑餘周召田中令地下逢干孟拾遺
赤水探珠迷象罔青霄蝕月任墓頤
懷沙沈石何曾問帳殿毳宮總不知

病中秋懷

萋萋城西百尺樓登茲銷暑亦銷憂
江山平遠難爲畫雲物高寒易得秋
吉甫清風來玉塵涪翁妙墨換銀鈎
餘甘渡口斜陽外靄迺漁歌雜棹謳

百梅亭

綠萼紅跗映碧瀧山香水調換新腔
翰林風月三千首樂府鴛鴦七十雙
陳閣臨春森玉樹漢宮不夜爛金釭
梨雲梨雪

都成夢桃葉桃根枉渡江

次雲樓上公韻五月十九日魚池雅會

環衢窈窕錦亭東珍樹留春綴糝紅
烏度屏風青嶂裏魚窺明鏡碧瀾中
賓筵鄴下詩篇盛軍次漁陽鼓角雄
獨有白頭虛授簡梁園應愧長卿工

冬夜宿羅漢寺

霜林金碧迷青紅木葉蕭蕭澄遠空
長湖洲渚亂吞吐上方樓殿森玲瓏
廊僧眼汲怯寒溜舟子夜語驚天風
朝敞照檻堪一望羨爾冥冥高翥鴻

秦始皇陵

掃旦金星白晝懸似傷鶉首翦秦川
俄傳江璧神徂日誰見

鈞天夢帝年借問茅焦歷井幹何如徐福泛樓船烏錐三月
咸陽火還是書坑竹帛煙

平山橋離夕贈任直夫

平山橋畔水泆泆隄楊風裊陌草薰綠蟻行觴九蘭醞青驪
出餞五花文遙夢直挂嶺南月離歌不散江東雲誰言千里
非絕國已覺黯然銷別魂

春晴

曉枕忽聞黃鳥歌起看芳草紛成窩梨花杏花風信早晴雲
雨雲春態多青絲玉壺銀鑿落紅韞寶鉸金盤陀駘蕩神皋
足游衍其奈文園病渴何

兩阻太華之遊中宿華亭寺釋智充山樓

信宿零雨不肯歇咫尺太華那可登平湖粘天波沓渺長林
籠霧寒凌兢山樓暝榻對漁火野竈晨炊分佛燈皋橋酒家
幸相近徑欲取醉酣騰騰

春泛滇海至小孤浪山

海藻海花春兢鮮東流東風新泛船雜英芳甸漢皋珮虛籟
聲林湘國絃菰蒲叢叢綠堪把裡柳枝枝青可憐茗芋不共
習池醉觸忤良爲羈思牽

十一月十三日雪

飛雪正應大雪節明年復是豐年期山城豺虎戶且閉水國
龜鼉舟懶移竹葉金樽慣貫酒梅花玉樹工撩詩擁爐熾炭
坐深夜笑看燈前兒女嬉

八金卷一
觀妙亭新梅始放花月夜獨酌

餞臘迓春梅有期繁苞不駛亦不遲分梢已出月右脇抽箭

忽橫參左旗倚牀三弄競筠琯夾門一條爭柳姿陶潛詩梅樹夾門值

一條有雙雙過雲付清嘯九九消寒須泛卮

蘇祠懷古

眉山學士百代豪夜郎謫仙兩爭高岷峨凌雲挾天藻江漢

流湯驅硯濤虎豹虬龍自登踞鱗鱗狐狸休舞號井絡鍾靈

竟誰繼海若望洋增我勞

有贈

添聲楊柳葉唐裴誠有添聲楊柳詞減字木蘭花不學東山傅哀箏惱

鬢華

草堂寺

劫毀爨巴火碑失周顒字試問坐禪僧猶記梁朝寺

卽事

蘋末清風起涼生近水樓盈盈樓上女齊唱楚江秋

松隱菴

松菴饒古松露巖交雲尾蘿徑少行人日暮嘯山鬼

楚江曲

巫山花已紅楚水波新綠兩兩浣紗人照影鬪粧束

王子淵祠

焯畦靈芝發秀翹子淵摘藻挾天朝漢皇不賞賢臣頌只教

宮人詠洞簫

宮人竹枝詞

紅粧女伴碧江濱
蓮草花簪茜草裙
西舍東鄰同夜燭
吹笙打鼓賽朝雲

無義灘頭風浪收
黃雲開處見黃牛
白波一道青峰裏
聽盡猿聲是峽州

詠史

月仗雲門五彩毬
御前爭賭最先籌
須臾贏得西川印
便脫青衣擁碧油

于役江鄉歸經板橋

千里長征不憚遙
解鞍明日問歸橈
真如謝朓宣城路
南浦新林過板橋


居易錄李侍讀漁村真行日記載板橋驛驛壁有題句云云甚有風調不知誰作按此升庵詩也真程記云楊林達板橋號三亭實六亭

無題

青雀銜花向海東
非烟如黛掃晴空
小喬嫁後風情減
曾見新粧亞水紅

花汀曉夢

秦樓纖月隱花汀
煙淡春山曉黛青
一百八聲鐘吼罷
夢回七十五長亭



明詩紀事

貴陽陳田輯

戊籤

高叔嗣 三十四首

叔嗣字子業祥符人嘉靖癸未進士授工部主事改

吏部應員外郎中出為山西參政遷湖廣按察使有

蘇門集八卷

四庫總目叔嗣詩初受知於李夢陽然擺脫窠臼自抒

情性乃迥與夢陽異調陳束后岡集弘治文教大起學士輩出力振古風盡

削凡調嘉靖改元更為初唐之體蘇門高子業束髮

就傳受知北郡李生弱冠登朝亳州薛考功一見歎服既雅見推重益自貴珍謝絕品流因心師古涉周秦之委源酌二京之精祕會晉餘潤契唐本宗每有屬綴仁興而就甯復罷閣不為淺易之談故其篇什

往往直舉胸情剖抉浮華存之隱冥獨妙閑曠合於
風騷有應物之冲淡兼曲江之沈雅體王孟之清適
具岑高之悲壯詞質而腴興近而遠洋洋乎斯可謂
之詩也

中麓閒居集何李雖成大家去唐卻遠蘇門雖云小
就去唐卻近蔡白石王巖潭以蘇門為我朝第一其

言雖過要之不可厚非也
藝苑冠言高子業詩如高山鼓琴沈思忽往木葉盡

嶮石氣自青又如衛洗馬言愁憔悴宛篤令人心折
子業少負淵敏生支干與偽漢友諒同既遷楚泉恆

邑邑不自得發病卒實友諒彭湖之歲也其詩如積
賤詎有基履樂誠無階既妨來者途誰明去矣懷茫

然大楚國白日失兼城久臥不知春茫然怨行役為
客難稱意逢人未敢言失路還為客他鄉獨送君眾

女競中閨獨退反成怒寒星出戶少秋露墜衣繁以
我不如意逢君同此心當軒留駒馬出戶倚雙童里

中夷門監牆外酒家胡為農信可歡世自薄耕稼問
年有短髮逐世無長策林深得日薄地靜覺蟬多文

章知汝在功名何物是騎馬問春星殘雨夕陽移清
婉深至五言上乘
吳國倫餽甄洞藁獻吉仲默竝策上駟而馳中原高
子業雖膠膠駕第緩轡後至耳

國雅子業負奇氣博雅其詩磊磊喬松凌風迴秀響
振虛谷

詩藪高子業視李何後出而其五言古律之工不欲
作今人一字在唐不減張曲江韋蘇州

梁園風雅子業負淵敏之才有抗潔之性為詩多胸
臆語吐言成章不假緣飾誦之若落落直致而中自

豐腴
明詩選陳臥子曰子業沈婉雋永多獨至之言讀之

如食諫果味不驟得又曰詞存清曠意成悽楚
池北偶談明詩本有古澹一派如徐昌國高蘇門楊

夢山華鴻山輩自王李專言格調清音中絕同時王
奉常小美作藝圃擷餘有數條與其兄及濟南異者

子持括出云今之作者但須真才實學本性求情且
莫理論格調又云詩有必不可廢者雖眾體未備而獨

擅一家之長如孟浩然沈沈沈沈沈沈沈沈沈沈沈
載竝稱王孟有明則徐昌國高子業二君詩不同而

皆巧於用短徐有蟬蛻軒舉之風高有秋閨愁婦之
態更千百年李何尚廢興二君必無絕響此真高

識迴論令于鱗大美早聞此語當不開後人揮彈矣
田按子業襟抱既超故吐屬蘊藉有魏晉人標致次

亦不失為孟襄陽韋蘇州自敘云李空同方盛邑子
之屬出其門撰為文辭模於古人私心不能無慨慕

時時竊撰一二篇夫本非所長而強力慕之度必取
調於眾可以明其宗旨矣陳東之蘇門集序出一時
名流捧手歎絕可謂立賞

少年行

死士結劍客生平藏博徒里中夷門監牆外酒家胡有時事
府主無何擊匈奴虎頸一侯印狼臂兩雕弧誓使名王侍羞
聞邊吏誅長驅隨漢馬轉門出飛狐蒲壘遂破滅莎車不支
吾甲第起北闕蠻邸開東都豈學霍嫖姚椒房仗子夫

明月引

滿地金波迴中天玉鏡飛有烏多夜語無雁不春飛影徹銀
河水光翻織女機何當御尊酒常此奉澄暉

歲暮作

旦夕茲歲改蕭條旅思多雲物媚晴宇氣候屬妍和崢嶸新
陽至故景實蹉跎感時豈不懷二紀倏焉過栖身慚擇木望
道歎伐柯如匏吾自繫匪玉孰爲磨有髮日就長心短獨若
何但云畢夙志陳力豈知他

謁海上人相

京邑驅匹馬日有塵沙顏清晨整巾幘時叩高僧關白日照
仙閣晴雲滿空山相看偶一笑念此客身閒富貴不可求余
將從此還

生日

年往歲空除時來循虛至明兩無留晷吹萬有逸氣我行淹
一周茲辰適再值束髮歲更七算齒紀逾二少懷滄洲心壯

損青霞志淮禽終異化魏瓠始同棄五游存子歡三費亡吾
忌達生庶不疚乘流隨所寄

登眞定大悲閣

關山千餘里平分南與北臨路兩悠悠客子情何極青山地
北橫白日天南落欲緩故園思聊憑最高閣

送別永之

憐君方遷戍況我嬰愁疾一別若流雲相從竟何日平生重
交遊弱冠弄篇帙書願藏名山功期銘石室安知事不就跌
宕情如一已矣復誰陳今亦返蓬華

再去都別親知

少缺經世用遭遇明時康出入在省闈仰逐羣賢翔譬如鷲

馬足側畏道路長顛躓不終朝中歲還故鄉願言守舊廬沒
齒乃其常皇恩究微物明照收羣方改服起漁樵端笏陪鷓
行頑疏果難容進退益多妨猶參大藩居守此國西疆華階
豈不崇榮進非所望退念孤蹇迹臨路私自傷無爲世俗遷
久要不可忘

再同子延上方寺賦

已忝陽春遊再陪瓊瑤作首歲與君同名區踐初約芳風散
入林陰靄遞相薄微雨點春城流雲蕩仙閣樓當望遠立酒
共馮高酌樹裏梁王臺水際夷門郭伊余本孤蹤事主乏明
略偶因負郭田解印歸邱壑閑居道心增日戀空門樂安得
拙病軀放達從此託

答谷司僕見問

幸自返中園非關逃微祿方因疾病餘
龜勉供樵牧春至東郭田夏來北
林木時從遠原上日縱平郊日野
老逢與言道書間能讀何爲共世
人無事相追逐勞君問出處日暮
掩茅屋

與客集和氏園

惟君遊每接自余居多暇留連上
客筵款曲中園駕賦詩芳泉側舉
爵茂陰下放心安知憂攜手不能
罷日氣淡將夕雲影垂方夏爲農
信可懼世自薄躬稼

九日登城樓采故都門

佳節倚秋城朋舊晚相逐竊憐坎
壘心暫寓登臨日日落故

鄉杯霜寒遊子服百里覽山河千
年看陵谷生欣盛時康追歎亡王
促帝功頽九五霸氣消百六猶能
識宮觀但見登樵牧縱酒在高樓
悲歌對喬木身同司馬病懷異步
兵哭舉頭望長天萬里來鴻鵠

夏夜同袁德延騎出宿村家

景落息炎氛輕策稍相試微風送
林木皓月臨平地路遠忘前期情
愜隨所至田父止我宿茅屋勸客
醉起步中天空仰對明星次一與
雞黍筵三歎前賢意軒冕愁束縛
江海傷憔悴明發返故墟努力看
身事

劉西陂函山二先生見過

簡略缺世用守此郊扉居天寒草
樹盡臥病情何如臺臣存

舊好宴飲及吾廬伊昔趨天階俱銜君子惠提攜文苑游出
入鵬行綴良時未可忘世故身相繫安知尊酒同歲暮荒城
際無輕一日歡乖離幾更歲

秋夕

問年有短髮逐世無長策日已遠人徒秋方臥阡陌天高星
流火夜久月生魄萬形觀此化四運愁相迫身非塞北翁情
是周南客聊齊得喪心安此留滯迹

秋日贈別諸進士

別館敞秋晴離筵蕩客情致身付公等分手使人驚陽鳥迎
霜動陰蟲候夕鳴贈言何以歎虛薄媿吾生

行至車騎關河南界盡處與親知別

山河未可盡行處與春長驛路沙俱白關門柳欲黃親知還
自返離別各相望且緩征車發中心戀故鄉

途中憶樊少南便別行至安肅縣作

驅馬一相見悠悠難再逢客心春夜月官舍白溝鐘不免微
名累其如多病慵空臨南北路愧此平生蹤

安肅縣寺病居漢陽董玄亮見過時董奉使還闕

門前易水路下馬漢陽人野寺天晴雪他鄉日暮春相逢一
尊酒久別滿衣塵不憚王程急應憐伏枕身

謝病後初朝

舊識趨朝路重來謁帝廷出門聽曉漏立馬望春星拙病身
仍在羈栖志少甯盛時誰不戀終日憶山坳

寓居慈仁寺游覽

終日仙宮掩青松繞殿遮到來長春草行坐落天花閣上王
城盡門前官路斜微身隨處是何敢歎吾家

毘盧閣上同伍疇中諸公西望

客來常一上對此西山平向夕檐楹立憑空閣道行楊花飛
暮野雨色動春城卻戀同攜手都忘羈旅情

飲任文選宅

敢謂齊年齒常嗟抱夙心文章知汝在交契爲誰深華屋春
燈豔層城夜柝沈賴蒙終夕語客路一開襟

與鄒生游香山宿僧房

處愁春草歇驅馬春山中夜宿禪關下時將心賞同風生近

谷滿月照前湖空終愧淵明輩玄言對遠公

歲暮答許武部廷議懷歸

掩閣日愁晚他鄉歲已深未能逃世網豈是戀朝簪以我不
如意憐君同此心故園春事及歸路儻相尋

呈劉西陂先生將按部洛陽道出小園

喧言洛陽去早蓋首行春尙枉柴門步應憐伏枕身柳條簇
官驛雪色沒征輪公問袁安事平生解避人

偶題

久爲南畝客况此北窗時翻笑陶元亮應多歸去辭涼風昨
夜起殘雨夕陽移坐臥身無事茫然生遠思

曉起

惆悵空堂曉蕭條秋氣陰懸窗對疏雨落葉滿重林長往懷
仙事端居養道心誰知歲復晚高志莫能尋

冬日西園

泱泱空寒野蕭條只舊林登高時送目望遠日愁心世與身
爲累貧將病轉深無能學袁盎閭里共浮沈

星輶驛雨中別林八南還

驛外陰雲合窗中宿雨含深巖龍自鬪險路馬能諳短髮星
星甚長愁日日堪休將南望淚歸傍二親談

駕出

帝出南郊日言觀黃屋尊選神役風伯徙樂具雲門馳道青
陽麗齋宮紫氣屯九朝祠禮祕歸待侍臣論

仲春山行


春事殆過半客行殊未閑流雲開白日微雨點青山身世本
遲鈍林臯當早還煙郊草色長感此奈愁顏

襄縣城東卽事

春晴汝岸曲夜雨襄祠東日出冥濛靄天垂斷續虹關梁臨
水閉馳道與山通旦夕龍輿度千城望幸中

晚出都門登寺閣

柳葉桃花雨夜乾今年寒食在長安淹留不爲依雙樹蹭蹬
合應笑一官行出都門常日暮到來客舍已春闌芳菲滿眼
心無奈祇上毘盧閣上看



明詩紀事

貴陽陳田輯

戊籤

薛蕙 三十八首

蕙字君采亳州人正德甲戌進士授刑部主事改吏部歷員外郎中以議大禮下詔獄尋復職未幾罷歸

有考功集十卷

四庫總目正嘉之際文體初新北地信陽聲華方盛蕙詩獨以清削婉約介乎其間古體上挹晉宋近體旁涉錢郎雖亦擬議多而變化少然當其自得覺筆墨之外別有微情非生吞漢魏活剝盛唐者比又蕙與湛若水俱為嚴嵩同年嵩權極盛之時若水年已垂老不免為嵩作鈐山堂集序反覆推頌頗為盛德之累蕙初亦愛嵩文采頗相酬答迨其柄國以後薄其為人凡舊時倡和悉削其稿人品之高迥出流輩其

戈籤卷三

詩格蔚然孤秀實有自來是其所樹立又不在區區

文字間也王氏家藏集阮公詠懷間亦有迫切者君采反優游

寬暇有漢人意可謂妙擬矣藝苑卮言薛君采詩如宋人葉玉幾奪天巧又如倩

女臨池疏花獨笑國雅君采七歲能文弱年擅藝古體如江南曲從軍

行其佳近體如蘇燭云珠簾照不隔羅幌映疑空又

餘花飄近渚歌鳥喧深竹征鳥不返顧浮雲相背馳

渚花藏笑語沙鳥亂歌聲翠帷低舞燕錦薦踏驚鴻

並是警句辟之馬飾金羈連翩蹀躞穩步康莊了無

踟躕之迹詩數弘正五言律自李何外如薛君采之瀟洒温醇

高子業之精深華妙置之唐人毫無愧色梁園風雅西原咀英魏晉振秀齊梁意縣密而辭新

格醇雅而調逸明詩選陳臥子曰君采詩如貴主初降雲駉鸞輅懸

珠編貝自然莊麗李舒章曰君采如出閣好婦意態

妍莊未能跌宕靜志居詩話薛公南巡諍吏大禮正人條達詞源淵

源理學古詩自河梁以暨六朝近體自神龍以迄五

季靡不句追字琢心慕手追卓然名家

飛龍篇

晨登金壇神君所治芝草叢生玄泉泌泌乘彼飛龍以邀以

戲憫我衰老乃告要秘周流神庭璧門十二授我神藥盛以

玉笥教我服食長生久視優哉游哉壽等天地

江南弄

芙蓉嶼口茱萸潭朱脣一笑酒乍酣牽裾並袂歌江南歌江

南望江北思不見情無極

游俠篇

君不見翩翩游俠子虎變龍淪世叵測轉海摧山力無比君
不見闔廬堂上養死客吳王酒酣客進炙千金七首匿魚腸
俄頃蛟龍飛霹靂又不見夷門老翁屠肆兒陸沈大梁人豈
知竊符奪將付公子秦人北解邯鄲師古來豪傑皆若人意
氣激昂肝膽真傾軀寫心不自惜排難解紛如有神丈夫自
是英雄者左拉荆軻右古冶甯當刎頸臥道旁誰能槁死蒿
蘆下君不見虞卿齷齪絕可憐託身魏齊捐相權平生著書
萬言在不如刺客三尺之龍泉我今落魄復如此放歌飲酒
長安市結客會通滄海君報讐欲借幽并士酒闌擊劍歌莫
哀眼中豎子何有哉明朝事就拂衣去卻隨梅福觀蓬萊

長信怨

異時陪玉輦同載召蛾眉寵極有衰歇恩深多怨思秋風吹
網戶春草被丹墀不及主家伎空歌團扇辭

莫愁曲

儂家住石頭綠水繞歌樓不是工娛客何緣字莫愁

效阮公詠懷二首

窮漠萬餘里海水周四隅中原勒千乘翱翔順風趨白羽翩
翩飛一軍驚且呼揚節下高闕長纓繫單于右行臨月窟左
旋出日區立功何足矜猛氣聊以舒

涼風起中林槁葉落如埽徘徊此何時歲暮一何早吾生隨
物化安得不枯槁惆悵終日夕延頸望雲鳥榮名非所慕神
明可長保手把三皇文五嶽訪芝草

擬郭弘農遊仙

瑤溪臨赤岸曾潭揚素波巨鰲冠蓬萊玉堂映巖阿中有羽
衣客陵岡拾若華髣髴乘紫煙縹緲吸翠霞靈妃奏妙曲六
虬駕雲車西謁王母廬東戲海童家下視九垓內蜉蝣良可
嗟

擬謝臨川遊山

徂節淹登臨開歲促遊玩陰崖雪猶積陽溪冰始泮進帆憩
絕壁抗策陟窮岸撫化雖未盈卽事已可玩幽谷風華媚晴
峰雲彩粲尋異迹轉緬覽勝景迭換洲分島參錯巖聚岫迴
亂丹梯架懸梁石室構層館初經洞穴底乍出翠微半羽人
謝世運靈景變昏旦汗漫無冥筮疏屬有塵絆放懷聊自慰

含情爲誰歎

冬初

開冬肇時序時序異疇曩烈烈嚴氣升肅肅玄陰敞同雲市
阡陌凝霜被榛莽寒暑鑿迭代休咎究消長郊園值窮節庭
戶息羣響疾病倦淹留寤寐縱偃仰感物殷懷抱離人絕心
賞幽獨豈無悶至樂非外獎形變化隨逝意愜神俱往永解
區中緣安徘徊契眞想

候大駕回

西北收皇旅東南歸帝京山驅八駿下海汎六龍行後車環
外區前駟集神垆支兵連四校中堅屯九營絳氣曳朱竿青
雲生翠旌鏡歌綵吹激行漏玉鸞鳴入觀萬國至清宮羣后

迎金貂雜流景圭璧委繁星錄功對五帝合符朝百靈俯窺
地紐正仰瞻天柱平郊禋方展義升封將告成祈招美王度
長謠頌休明

答何大復

宵懽不繼晨朝游豈延夕款念未云周勞心彌已積篤好追
昔悰興言撫今戚纏綿金玉音參差翰墨迹開帙虛雲閣臨
觴闕瑤席惠思荷來章褰裳奉良覲

答祝禮部

屏居寡懽愛懷疴積悲戚勞君惠繁翰結言慰離析荒楚向
疏蕪寒花方寂歷良辰已云暮清揚不可覲

舟行

朝辭枉渚泊夕驚清川路經過方自今神期宛如故沈吟招
隱曲徘徊遠游賦西北有浮雲行行一反顧

首夏

寥寥塵外意更對蕭然境竹竦檀欒葉雲起嵯峨影迹幽疑
避喧神虛匪耽靜塔爾此端居誰知晝方永

西郊

清曠自有素甯獨在幽深誰謂西郊地宛似南山岑四野多
景色青春晴復陰鮮雲冠綠苑回翱翔翠林寢疾託閒逸卽
趣恣登臨嬰累悼自昔取適懽在今豈嗟時易頹但顧力難
任穿池玩遊儵種木候鳴禽將營人外賞聊賦邱中吟

郊居作

八
卷三
五
池籟鮮珍鱗焚籠多鍛翮物情忌窘束人事傷紛迫拙薄繆
榮塗疏慵謝朝籍銷聲背誼競息影投幽隙邱園雖寂寞悠
然殊自適徘徊弄文史流連眷泉石神輕片雲上日瑩清川
激蓬嶠宛相聞滄洲如在覲未申隱淪志稍習湛冥迹外慕
非所希聊用終晨夕

雜詩

富貴使心惑嗜欲致行妨宴安損性靈美疾生膏盲吾觀古
來士高躅互相望首路或暫同中道更蒼黃班生嗣前列馬
融遁退方藉梁奄爲累附竇終自戕通人識尙爾咄咄可悲
傷

柏屏

何時別陵上移居來後庭牽條擬峰勢總葉學山形白雲轉
自綠綵雲相對青無勞台嶺側陵虛搏翠屏

邱中

蕭條風雨散淒清松桂冷邱中一游睇處處雲霞影稍愛夕
陽佳復聽秋聲靜遙懷賞心侶歲暮空延頸

送劉子緯病歸

鄴下劉文學成都漢長卿淹留臥病意瀟洒著書情賓客頻
頻去風塵轉轉生天涯雙淚眼回首送君行

送董侍御應期

同時多逐客而我獨憐君棄置勿復道淒涼不可聞風波一
流落江海遂離分他日書相及常因西北雲

道院秋日海棠

偶來仙館內花萼滿枝紅彷彿看珠樹玲瓏映藥宮預傷白露下坐惜綵雲空躑躅攀條處佳人不可同

九日遊興隆寺

厭就騷人會欣投釋子家林風鳴貝葉徑露溼金沙宴坐依雙樹清齋服九華晚來歸客倦欲借白牛車

秋日溪上

何處窺秋色牽舟入水隅清波照鳧雁寒露洗菰蒲促迫悲生事登臨快病軀出來野人意終日羨江湖

晚過鄰叟

野外歲陰早正霏微石蘭向風靡海鶴犯霜飛投策暫

云憩采苓方未歸幽人已相候隔水啟荆扉

元夜諸公會不赴

九陌帝城中煙花繞漢宮銀河流夜月火樹煖春風衾枕憂如昨軒車恨不同時間玉珂響寂寞臥牆東

泛舟

水口移舟入煙中載酒行渚花臧笑語沙鳥亂歌聲晚棹沿流急春衣逐吹輕江南采菱曲回首重含情

觀舞

妙伎出秦中纖腰學楚宮翠帷低舞燕錦薦踏驚鴻宛轉歌相似嬋娟態不同無因逃酒去懊惱白頭翁

寄題延陵吳長史山居

魏苑芙蓉沼梁臺修竹園徐陳遊上國枚馬託名藩歌賦從
容地追隨優渥言病來謝賓客歸去臥邱樊巖穴仍招隱風
塵稍避喧山疑七里瀨水似武陵源背渚排江閣迎峰架石
門波瀾生枕席彩翠落琴尊鴻寶傳遺術離騷念舊恩秋風
懷帝子春草怨王孫勝事幾人共賞心千載存相思隔雲外
桂樹屢攀翻

對雨有懷

乍淡乍濃雲片片半疏半密雨絲絲林花落盡漸成子巢燕
飛來頻哺兒坐對空尊應笑客行騎羸馬欲尋誰平生歡友
俱南北此日傷心獨詠詩

遊盧巖歸月中紀興

雲林纔一曲林屨已三休遇可淹留處應須緩緩遊

城南梅開簡友人

郭外新梅樹春風吹雨殘未能攜酒出幸爲折花看

秋浦

秋浦多香草當年怨楚臣安知千載後尙有廣騷人

春日漫興

草芽半吐參差碧花蘂初開淺淡紅安得黃金高北斗盡輸
青帝買東風

宮詞三首

禁園處處鎖名花步障層層簇絳紗斟酌君恩似春色牡丹
枝上獨繁華

閒倚闌干看柳條
可憐渾似董嬌嬈
東風何處吹桃李
空費心情學舞腰

紅袖低回拂錦茵
玉顏憔悴掩羅巾
空房獨對嬋娟月
賴是嫦娥不笑人

擬仙詩

碧光衫子紺霞裙
月下輕風淡素雲
一曲參差吹未徹
海邊琪樹落紛紛

王廷陳 三十三首

廷陳字稚欽黃岡人正德丁丑進士改庶吉士授吏

科給事中諫南巡杖謫裕州知州尋下獄免歸有夢

澤集二十三卷

四庫總目廷陳少年高第以恃才傲物致放廢終身其
器量殊為淺狹至其詩意警語圓軒然出俗則不得
不稱為一時之秀

言律沈沈杜比肩參之盧駱
藝苑危言王稚欽詩如良馬走坂美女舞竿五言尤
自長城稚欽少為文頃刻便就多奇氣為庶吉士詩

已有名其意不可一世僅推何景明而好薛蕙鄭善
夫以諫出知裕州臺省監司過州不出迎相戒莫敢

道裕州而恨稚欽益甚為文致逮下獄削秩歸家居
益自放達官貴人來購文好見者稚欽多蓬首垢足

囚服應之問衣紅紗衫跨馬或騎生嘯歌田野間
人多望而避者晚節詩律尤精好縱倡樂有聞箏一

首花月可憐春房櫳映玉人思繁纖指亂愁劇翠蛾
翠授色歌頻變留賓態轉新曲終仍自敘家世本西

秦又書答人云綺席屢改伎倆雜陳絲肉競奏宮
徵暗移義和既逝蘭膏嗣輝逸興狎棕干霄薄雲禮

廢罰弛履遺纓絕妙極形容可謂才子
國雅稚欽調高趣新頗多奇句如深谷縣蠻冷然幽
響其少年行云金羈及狡兔珠繒落高鴻弔道士云
海田猶有變洞壑豈無哀還蜀云峽東秋江怒雲盤
石棧懸殆與高岑方軌矣

明詩選陳臥子曰稚欽爽俊故意警而調圓
靜志居詩話稚欽逸藻波騰雕文霞蔚音高秋竹色
豔春蘭樂府古詩既多精詣五言近體亦是長城固
已邈後凌前足稱才子
田按稚欽格矜復古意取標新亮節清音絲情麗製
大約古體勝於近體五言勝於七言固由詣有專精
亦是才分各限薛君采高蘇門亦復爾爾

煌煌京洛行

辭我故里來遊帝鄉誰云周道險踰羊腸一車馬如雲意氣

揚揚昔為奴虜今狎侯王伯兄乘軒仲父鳴璫唱騶馳道

徵歌教坊千金買劍百寶為裝風雷一擊星日回光四朝

探俠窟暮宿名倡酣呼六博縱酒干場五傾財結客隱罪匿

亡名齊郭解人比孟嘗六

田按此康陵時事稚欽擬古詩略無陳色

白紵辭二首

高堂邃宇施翠帷蘭膏明燭散朱輝二八接武步舒遲被服
姣麗光陸離彈箏鳴瑟商羽移喜溢歡恣不自持轉盼含嬉
屬所私桑腸勸君君自知主人既醉客不辭燭滅纓絕珠履
遺

朝露未晞夜霜零眾芳凋歇鶉鳴逝者如斯不復停人生
百年命忽傾為君秉燭縱遊行三星在戶參差明騰觚飛爵
何縱橫垂羅映殼耀珠纓眾中不言懷隱情色授神馳流目
成士女雜坐交和歌河轉參橫奈夜何

雜謠

烏母謂烏子弋人在傍汝勿嘯弋人得知將汝歸我但高飛

起安能救汝爲

名山藏武宗將南巡延陳與同館汪應軫江暉曹嘉舒芬馬汝驥等上書劾江彬罪學士石瑄聞而止之廷陳賦烏母謠書翰林壁間

少年行三首

幽并聞騎射閭里藉輝光朝遊從許史夜宴挾姬姜鳴鞭當
大道調瑟坐中堂傍人爭借問云是羽林郎
長安本俠窟烈士多英風殺人帝輦側射獸上林中金羈及
狡兔珠彈落高鴻歸就博徒飲酣歌意難窮
悲歌白日變裂眦秋雲高仇家諒不釋怨吏幸無遭全生脫
虎口獲死等鴻毛豈效儒冠子終歲濡柔毫

子夜歌

共歡種梧桐十載青雲齊百年化雙鳳來此樹上樓

怨詩

隕葉脊柯斷株懷蒂寒霰覲温陰嚴希霽頽魄愠玄駛波憎
逝令德鮮終良辰忽替

湖上行

麗服出芳郊香車臨綠水留連天桃下宛轉垂楊裏妝憐草
色鮮坐逐花陰徙相攜拾翠行暫拉聽鶯止忽驚玉珮遺時
將芳樹倚紛紛遊冶兒側目情無已

詠懷六首

人生本殊方神範各有宜參錯匪一致妄鑿乖天倪鳧脰續
則瘁鶴脰截則悲拇駢決則憂指枝嚙則啼匙劣不假益羨

口金卷三
二
溢甯俟虧紛彼便嬖子作意相追隨智殫力云匱成理曷能
移

民食美芻豢鴈鳶甘臭陳西子豈不都魚鳥不見親萬類殊
所嗜物豈慕非倫箕畢各有好況此世上羣情欲孰爲正參
差何可均黜智任自然悠悠葆天真

河清不可俟川逝誰能止朝露忘太陽夕日愁濛汜歌舞化
塵埃都邑生荆杞大運厄陽九銷毀固恆理填海精衛勞逐
日夸父死齊景悲牛山晏嬰笑未已彭殤孰短長無生悟方
始

日月互天塗照耀各有時榮枯若循環智巧難控持賈生愁
遇鵬莊周憚爲犧糾纏誰不嬰文繡焉能辭放言用自慰虛

言誠我欺得失去來間北叟迺深知

愚公亦非昧智叟未爲得獻疑親反嗔贊詭竦爲德大人計
億代俗士愁日昃通蔽鮮一致損益非易測

茲歲忽云暮駕言出城闔楊林翳白日岡岑蔽玄雲荒原離
獸馳寒鳥鳴索羣上有百尺臺下有千古墳登高一騁望思
我平生親延伫久不至俛仰懷酸辛萬物靡不化千載猶茲
辰驅馬復來旋咏歌聊飲醕

歲暮雜興

孔公深贊蠖賈生虛忌鵬屈伸在一時憂喜本同城河清豈
能俟途窮安足哭久息漢陰機莫問成都卜

詠秋泛

鮮曦登首秋緒風草闌暑孤嶼濺驚湍輕橈驚蒼渚舉舟吟
越人鼓柁歌漁父霜林隕葉揚沙岸輕鷗舞蒹葭寒隱汀芰
荷衰映浦披拂枉負緣維繫乍延伫蕢芹翠縷翻鱗鱗銀絲
剖俯睇乍虬潛仰盼愧鴻舉泛梗傷在今乘桴豈獨古

贈人

南塘偶儻士薄宦向西陬石竹臨江映春雲抱峽流徘徊去
國日浩蕩望鄉愁莫厭卑棲地三巴足壯遊

送李子中養病歸

游曠傷人事興衰感世情虛傳授簡叟無復抱關生客散梁
王苑人耕宋帝城行多懷古詠一一寄同聲

贈方子

鄰並復同調過逢數舉杯謝公興不淺莊舄吟何哀霞日赤
城曉雪濤滄海迴何當共舟去攜客訪蓬萊

出獄後歸興

孤憤辭梁獄高歌望楚鄉煙花春沔鄂樓閣畫瀟湘弔古懷
增慨尋仙事頗荒何如其漁父一笑詠滄浪

道中憩廢寺

寶地元虛寂金仙合杳冥空林沈紫翠畫壁落丹青羈旅暫
投迹殘僧一啟局迷方隨處是含意訊山靈

寄方思道

聞爾遊華頂令予夢彩烟戶庭羅峭壁枕簟落飛泉山有藏
書穴溪多送酒船春江如有興花裏到吳天

湖泛

楚地饒洲渚騷人戀芰荷鷁舟張錦席龍笛起滄波鳥影隨
檣影漁歌入棹歌前溪聞更好欲進暮煙多

送王知事還蜀

佐郡已三載還家無一錢苦心成白首達命任皇天峽東滄
江怒雲盤古棧懸歸來揚子宅寂寞守吾玄

丁酉之夏觀文溪子於大江之濱與之述往感時命酒

坐石揮涕而別太息成詩

愴爾離羣久艱危更可傷一麾堪白首萬死出南荒天入瀟
湘闊風驚鸛鷁揚垂堂古有戒去矣慎舟航

聞箏

楚館名娃出秦箏逸響傳徘徊芳樹側掩映雜花前雁促玫
瑰柱鶯喧錦繡筵年來哀怨切復此感繁絃

閒步

卜築蒼巖畔為園碧水涯浴童依淺瀨浣女散晴沙中散林
惟竹東陵圃是瓜村頭歸欲暮巾服映殘霞

寄韓道人

吾愛飛霞子殮霞臥藥宮時將黃綺曲高詠紫芝風洞草秋
生細壇龍畫護空丹應九轉就地與十洲通玉樹扳何及青

牛望不窮因君惠羽翰自此脫樊籠獨鶴冥冥去相從碧海
東

遊西山作

西山憶昔宣皇幸幸罷干巖御氣留金界尙看金殿峙玉泉
長接玉溝流君王水石遊人重畿甸煙花賦客收天上翠華
無復度五陵松柏迴含愁

卽事

楚國村墟煙霧裏春朝門巷薜蘿間柳條到地可攬結燕子
定巢頻往還新水潺湲遵故渚歸雲縹渺戀家山生涯甘傍
漁樵侶世事虛傳鷓鴣班

病後客過有贈

病骨旬時虛酒筵壯心激烈嗟暮年秋堂過客擊柝後寒清
哀鴻吹笛邊尊罍當戶映初月松桂傍人生夕煙與君一醉
緩世慮深夜敢辭吾欲眠

明詩紀事

貴陽陳田輯

戊籤

華察 二十一首

察字子潛無錫人嘉靖丙戌進士選庶吉士改戶部
主事歷兵部郎中復改翰林修撰賜一品服使朝鮮
尋罷歸起原官歷侍讀學士掌南院事有巖居稿八

卷

泰泉集鴻山詩追蹤陶杜卓然大雅
遵巖集華君詩洒然自立於塵瑤之表意象超越音
奏淒清若木居草茹服食導鍊淪隱聲迹者之所爲
言非世人語也
藝苑卮言華子潛詩如磐石疏林清溪短棹雖在秋
冬之際不廢楓橘

戈籤卷四

龔用卿雲岡稿華子巖居稿冲淡閒曠如秋水芙蓉
不事雕飾步驟陶韋而得其自在
明詩選陳臥子曰子潛清儉似茅茨下人
田按子潛出使朝鮮有皇華集詩不足存惟巖居
稿五言最勝有柴桑遺韻以此知存詩不在多也

懷閔宮諭

伊昔託明義蓋簪從北扉久要重南金歲晚期同歸如何鑠
眾口中路忽分違鄙夫昧出處達士能先幾養疴識遵晦戒
寵知防微嗟峨道場山白雲朝夕飛室遠人自邇莫使音塵
稀

過煙水莊

垂楊陰平田湖畔多菑畬茫茫煙水中結茆成隱居閒門閉
白日密竹臨清渠行隨溪上雲倦枕牀頭書客至時命酒興

來兼捕魚願言託幽迹卒歲同樵漁

晚晴泛舟

載酒隨輕流演漾情未已夕陽映前川棹入微茫裏散髮弄
煙波竊比鴟夷子沙際暝色來歸楫還自理何處滄浪歌因
之一洗耳

送俞汝成遷紹興武守

一官謫南楚三載始得遷積薪豈足歎養晦有固然竭來佐
會稽境中秀山川八月錢塘潮送君江上船廨宇倚絕巘蒼
翠生檐前嵯峨越王臺日夕空雲煙臥治饒化理登臨富詩
篇吾將探禹穴藉此東道賢
澄觀樓曉坐和僅初韻

曉色澄秋林霞明映山翠貪奇事夙興爽氣醒殘醉空霜日
夜繁坐見木葉瘁天高宿霧收白雲出平地初日照重巖寒
流響虛隧景物清心魂泠然起遐致

雨後山園卽事和僅初韻

山色曉微霽山鳩鳴不已雨氣積重林巖陰木生耳荷鋤歷
中園開畦看新水羣峰對草堂白雲滿窗几因茲避世心悟
彼攝生理萬物皆自然至人貴無已

過環谷草堂

采藥到仙家白雲滿空谷羣峰環四面蒼翠常在目一徑何
透迤頽垣見修竹岩扉白日扃隱几睡方熟有時學灌畦抱
甕蔭喬木悠悠林壑間俯仰聊自足

姚山人茶夢閣

山人恥獨醒啜茗亦自醉清風敞高閣隱几頽然睡平生
在苦吟冥想入寤寐殷勤夢裏言款曲詩中事神超萬象融意
愜情景備松陰泣山鬼夜靜猿鳥避天籟本希聲筌蹏一何
贅悠悠池草心千秋可同致

早春園居次僅初韻

樗散任吾真幡然早乞身不辭爲圃陋聊給罷官貧荷鋤初
經雨開畦正及春猶憐聞道晚應媿漢陰人

寄尤郡博

遙聞授經處正對錢塘門白鳥出還沒青山朝復昏家貧常
自足官拙詎須論爲問相如賦何年達帝闈

送施子羽謁選北上

把酒那能別江城落木初鄉心縈客路寒色上征車
旅食途將暮人情交易疏漢廷方重賦誰爲薦相如

巖屋

鑿坏宛成室偏側嵌危岡花發洞門隱雲生石几涼
隔巖通水氣幽隙引晨光豈是逃禪處塵心已坐忘

秋日閒居漫興和僅初韻

高齋著書暇雲盡見諸峰已卜青山宅言追處士蹤
溪深度夕鳥地靜聞疏鐘蓬戶無人到蒼苔一徑封

芝谿詩爲蔣上舍作

自居鑾江上迢遞憶吳關棲鳥尋故處歸雲懷舊山
春明紫

芝秀月照清谿閒孰謂川途遠神遊時往還

送談同年轉台郡二守

浮雲本無繫去住欲何爲山郡興自僻大夫官不卑
俸錢足酷酒暇日但吟詩莫入天台去花深失路歧

酌紅梅下和姚山人韻

巖梅發紅萼獨樹明高林春晝鳥鳴寂雪晴山閣陰
鄉愁不入夢歲序自驚心對此生華髮甯辭杯酒深

秋初雨後同姚山人山行

空山秋雨霽載酒一從君林靜發清磬潭虛生白雲
登臨聊適意去住自爲羣歸路溪橋晚涼蟬噪夕曛

荆溪曉發

挂席出溪口微茫天漸明殘星帶高樹春水抱孤城野曠月
初沒村深雞亂鳴停舟問漁父誰識濟川情

山中和文壽承韻

林色晚來淨秋聲雨後新偶然松下坐對此山中人流水任
去住白雲忘主賓安能向城市終日勞吾形

送安郡倅還京口

離亭一悵望春水渺孤舟黃鳥啼津樹青山對驛樓恨添芳
草色夢繞大江流爲問衡陽雁何時過潤州

冬日送周上舍歸婁江

歲晏束書去悠然返故園爲文已自信生事復何言落葉藏
深徑疏梅帶遠村離情不可極寒日下荒原

贈彭孔加

聞說幽溪處衡門委巷通業存三徑僻道在一經窮霜葉墮
虛牖雲山隨短昂坐憐華髮改莫遣綠樽空

楊巍

三十二首

魏字伯謙海豐人嘉靖丁未進士除武進知縣擢兵
科給事中出爲山西僉事歷參議副使擢右僉都御
史巡撫宣府改陝西進右副都御史移撫山西入爲
兵部侍郎改吏部以終養歸起南戶部尙書召爲工
部尙書改戶部進吏部尙書加太子太保贈少保有

夢山存家詩稿八卷

四庫總目魏中歲學詩與唐高適相類而天分超卓自
然拔俗故能不染埃蓋獨發清音

海岳靈秀集夢山詩不事雕繪旨趣天成
鄒觀光字如集揚公詩高曠玄遠冲夷澹泊河朔魏
允中擊節誦公晉中詩燈前梳白髮馬上夢青山思
沈而致遠非唐人不能道
分甘餘話吾郡揚太宰夢山五言冲古淡泊在高子
業華子潛季孟間如遠道令人愁况近單于壘秋風
入雁門羽書日三至微霽景流天壤色俱素鄉心
生塞草世事入秋風風雨樓煩國關山李牧祠聞將
流水引夢與古人居雨響殘秋地城分不夜天古石
苔生徧泉香麝過餘皆通古作
靜志居詩話讀夢山詩如水仙十囊江梅一萼嫣然
薄冰殘雪之外
田按夢山集五律最勝直擅右丞文房勝境餘子不
足道也自書存稿後乃謂得於曹紀山呂時臣為多
雅抱冲襟令人愉然意遠

彈琴峽

瑤琴何處聞停車空緬想谷靜水聲幽霜餘山氣朗無聲心
亦間况復聞清響大道晦有時靈物豈易賞徘徊坐磐石高

歌動林莽

馬谷山

馬谷近愚谷所以人跡稀昔名烏鴉山不見烏鴉飛惟有紫
蕨菜其苗高且肥洞口封白雲專待主人歸

述懷

鯤鵬翔萬里鷦鷯在一枝大小各有適進退豈無時胡為徇
利祿營營至死悲榮公行帶索陶氏恆苦饑至性苟無累貧
賤復何辭歸去臥山中斯人良可師

送黎樂溪憲副轉甘肅太僕

帷幄運籌者翻令在牧芻憂時雙鬢短去路一琴孤已振蘭
臺紀應蕃沙苑駒誰云閑散地天子欲平胡

柏溪書屋

入夏門長閉爲園道不疏閒將流水引夢與古人居野鶴窺
丸藥山精聽讀書尋詩自來往風起柳塘初

石州陷後作二首

石州古名郡一日化爲灰虜騎豈飛到關門不戰開腐儒終
誤國盛世自多材好用廉頗輩空談何補哉
自昔聞兵火傷心在目前生存猶墮淚死去益堪憐城壘酸
風日干戈積歲年請纓還我輩悔禍是皇天

雁門九日無興登高作詩二首

九塞行將徧三秋歲欲殘故鄉歸未得客抱何誰寬雲送臺
山暝風吹關樹寒干戈正擾攘何處可凭欄

把酒不能醉登高奈所思豈堪雲斷處正值雁回時風雨樓
煩國關山李牧祠寒花無意賞况復鬢毛衰

寓安邑

回首同戈路忽驚歲序徂腐儒漸餓廩多病夢江湖凍水寒
雲合條山夕照孤荒涼城郭裏惆悵禹王都

過懸空寺

一寺空虛裏危欄高幾層懸崖惟度鳥無路去齋僧雲隱多
羅樹天垂寶月燈塵心何處覺孤磬下峻嶒

路中逢立春

簫鼓迎春日喧喧客裏聞馬消邊地雪旗煖晉山雲隱隱川
光動微微柳色分田園正好去莫待有移文

過石嶺關

石嶺月初上登登僕從勞山城秋路遠戍鼓夜聲高驅馬臨
重隘感時換二毛風塵頻看劍無夢向江皋

贈車鎮村族叔三老

吾家養齋老所性好清閑薄地不盈頃草房只數間宅鄰廣
武墓樹接烏鴉山已往郊原外柴扉長日關

郊居秋興

郊原淨秋色幽事甚從容不厭山僧過每於田父逢爲橋通
野水伐木出寒松更願煙塵絕時清一老農

答王龍門見寄韻

自向山中臥蕭條門徑秋市沽愁不醉藥品病多收世事歸

詩卷生涯有釣舟聞君欲相訪家在海西樓

月夜至山園

以我愛光景山園夜亦過微風醒鳥夢明月澹煙蘿露冷蛩
聲少亭空樹影多此中得佳句高詠向星河

還家逢九日

芳辰來故國秋色徧柴門正值菊花侯新開竹葉尊晴雲高
雁驚暮雨長蘭蓀偶誦閒居詠斯人可共論

重過馬谷山村

山村重到日風景益堪親家遠惟宜病境幽豈避人雲開三
洞曉水漫九河春投老此中得當年枉問津

送孫司訓之任良鄉學諭

幾載借荒城爲師獨有名那堪驅瘦馬猶自戀諸生月上蘆
溝白風傳黍谷清莫言官尙冷已得近神京

秋晚桃嶺再集

已過重陽日風高寒更催菊殘猶待客病後尙登臺萬木霜
中落浮雲天際來祇應拚一醉騎馬夜深回

題趙子冲立稿

嗟君狂者流一第竟悠悠見客少青眼吟詩欲白頭谿山無
世態花鳥共春愁從此聲名著前身趙倚樓

過響水堡

塞水合流處聲喧十里繁乍聞堪動色相對未能言束峽龍
鼉怒驚濤日月翻祇應阻胡馬不得入中原

早秋登龍門城樓

朔塞樓頻倚新秋天乍晴雲山兼日色鼓角帶邊聲路有元
人轍臺餘漢將名楊公石柱在極目舊開平

九日大同登高

已作雲中客更登塞上臺風塵回老眼節序託深杯碧海雁
行斷陰山雨氣來故園今日菊惆悵向誰開

題龍門圖送溫侍御還朝

疊浪下危岑誰言禹鑿深羣龍鬪白日客子發孤吟怒損山
川氣愁關天地心憑君爲砥柱到海萬波沈

遊大慧寺同李行人熹任計部鎧羅廷評節汪山人淵

賦

花垂蘿洞口樹滿碧雲層對境疑爲夢前身恐是僧樓臺依
北闕經論有南能卻恨相過晚登臨意不勝

宿小山望海寺

岩頭燈火起幾處見僧房蘿薜昏初夜星河滿上方人歸山
店遠磬入海天長明日正東望蓬萊接混茫

酬紀山見寄韻


別離二十載書到見交情始信山居好益憐詩韻清花開宋
玉宅雲抱楚王城何處思君切秋高古北平


宿凌雲寺二絕句

繫馬夕陽邊山僧訝客至門開古殿秋云是凌雲寺
野寺一僧住朔風萬里來虜營猶未徙獵火照邊臺

爲任柏溪題畫

萬壑縈迴一草亭溪雲漠漠山青青主人何處尋芝朮留得
松聲與客聽





北平

明詩紀事

貴陽陳田輯

戊籤

皇甫冲 八首

冲字子浚長洲人嘉靖戊子舉人有華陽集六十卷

藝苑后言太原兄弟俱擅菁華吳中一時之秀海內

寡儔皇甫冲少立集吾兄因是子樂府其劣於古者蓋鮮

觀其意直欲極詣以求乎至當而不俯仰於世俗之

談者司勳集吾兄詩兼綜諸體之妙而不能稱之以一長

盡臻名家之奧而不能擬之以一子此二陸辭藻獨

秀於平原三謝聲華莫先於康樂也樂府雄深古選
雅澹歌行縱逸五言近體典麗絕句清婉差弱者其
七言近體乎
國雅吳中四皇甫盛稱才藻宜嗣冉曾
列朝詩集子浚遊虞山有紀遊詩自爲之序詞致甚

美其全集不傳金陵張文寺曰四甫之才子浚爲冠亦闡幽之論也

靜志居詩話四皇甫詩源出中唐兼取材於潘左江鮑清音亮節淨埽垢氛高蘇門華鴻山楊夢山而外

無有及者明詩別裁吳中詩品自高季迪徐昌穀後應推皇甫兄弟以造詣古澹無一點穠纖之習時二黃三張空存名目耳

田按子浚詩五言與諸弟合轍歌行獨得變風變雅遺意子浚舟中讀楊兵部疏詩云誰讀楊公疏聞之

感慨生無從得借劍空使欲沾纓填獄人誰惜投沙已獨清須知直臣志九死一毛輕弔椒山之死義憤

勃發乃弟司勳集中壽介谿序謝嚴相公分惠大官攢品謁鈐麓書院嚴公解相還豫章追送淞陵諸詩

過於放翁之賦南園在山出山之詠能不於茲三歎

築垣行

朝聞築外垣畿甸紛縱橫五城發閭庶九營糾踐更司徒庀餼糧司馬量期程司空度基址板築戒時興繚繞百餘里周

而遮宸京婦女喜往饁童稚歡呼行予前相勞苦豈不愛此

役天子守四夷何須問疆場有臣居北門可以謝西域蒙恬

築長城猶謂秦無策時調乃舉羸徒爲智者惜父老來告子

公但見其迹請言前年秋胡馬入塞來兵環順義城馬飲三

河湄關山豈不隘如涉無人墟壯士豈不猛無敢當其威六

道召義勇九門宿王師胡虜晝殺人夜火熱民居火焰燒天

雲白骨盈溝渠醜婦割乳飲美者爲月支橐駝滿千萬寸鐵

貴金珠六鎮坐觀變誰來衛王畿選將盡執袴點兵非鐵衣

邊懸本兵首市暴中丞尸元戎閉營卧曾無一矢遺或言召

之來聲勢相互持虜去竊自慰吾師殺其軀取首作俘馘

■奏彤墀王民百萬戶乃不如蓬藜思之骨猶寒安知勞與

罷吾將從王事請子且勿嗔回首謂其徒胡虜已刷馬築垣
戒時成朝夕慎勿惰不記奔逃時吾儕苦顛播若子槃上盤
若妻馬前裸有弟生不歸有親死棄野東家歎夫鰥西室哭
婦寡爭門後者死踰河疾者墮舉畚堅下基爲堞高著堞一
朝壞斯垣誰來顧爾我垣成詠惟甯庶免兵燹禍胡去開門
行胡來閉門坐臣尹但書諾將軍幸安妥且侍太乙祠無問
三邊火

實錄嘉靖三十二年十月辛丑新築京師外城成上
命正陽門外門名永定崇文外門名左安宣武外門
名右安大通橋門名廣渠彰義街門名廣甯

順義戰

鄰有順義人告我庚戌事八月月生魄道傳俺達至朝聞古

北屯暮見遼陽騎李生正下帷奮激報守吏守吏不敢言雙
目但直視馳馬歸赴敵城門忽已閉登城望家室膏血乃塗
地里閉盡焚燒妻子身首異李生按劍怒背裂聲色厲詎惜
中山羹甘心河東棄惜哉無一兵不能爲之計乃有陳使君
挺身獨不避下令開四門彎弓插兩幟左書報仇文右寫勤
王字當門據胡床潛軍弛銜轡李生與之俱不覺增勇氣胡
虜來覘窺一矢兩酋殪胡驚離齒奔倉皇解圍去城邑不破
殘凡以三子庇功高主不知事往名亦墜李廣豈數奇耿恭
終棄置斯理自古然况乃居今世請君勿復言此事猶爲細

關山下碑

天曠川途遙長楊繞墟陌歸舠若飛蓬飄飄挂輕席圯水東

流長邳山暮雲白爲儒四十年哀然一縫掖投筆緬幕中爲
問山中客儻有墮履人先雞待黃石

七星檜三株猶存

停舟繫石岸躡屩遵瑤壇梁宮暮雨濕蕭檜陰風寒攬衣就
拂拭詭怪極偉觀形分巨靈擘影屈螭虬蟠上沍煙雲色下
蝕苔蘚斑何須屬霄漢偃蹇當層軒代禪若反手日月如飛
翰載記豈所覩圖繪良工難生者宛神理摧者非靈殫緬念
封殖人千載增長歎

過濟甯懷周白川尚書

忽憶尚書思惘然歸舟還過濟陽川棠陰寂寞猶今日楊柳
依稀似往年江上自吹懷舊笛道傍誰問孝廉船清尊獨對

南城月惟見歸鴉噪晚煙

和子約弟帝京上元

走馬來逢帝里春上元今夜物華新萬家煙火明侵月夾道
香車暗起塵穠李歌中喧笑語簫韶聲裏豔陽人更看天際
神光起道是西宮祀玉眞

西苑卽事

曉日曛曛照御堤君王身在大庖西雲邊鐘磬和仙樂日下
旂幢雜綵霓侍從詔看立鶴舞中官敕賜紫騮嘶長生殿上
長明火不數秦王祀寶雞

渡淮

去國逢春春復過歸舟四月渡淮河岸當齧處沙成漲水到

迴流漩作渦直北煙塵看遠在向南風氣覺暄多八公叢桂
今何似欲就山中結薜蘿

皇甫湜 四十九首

湜字子安冲弟嘉靖壬辰進士除工部主事改禮部

歷員外郎中遷春坊司直謫廣平通判進南刑部主

事歷員外出為浙江僉事有少立集二十六卷外集

十卷

四庫總目湜詩憲章漢魏取材六朝婉麗之詞綿邈之

神以駢駕昌穀蘇門固無愧色
甫田集子安雅性閒靖慕立晏先生所為自號少立
子詩沈蔚偉麗早歲規做初唐旋入魏晉晚益立造
鑄詞命意直欲窺曹劉之奧而及之惜乎未見其止
皇甫冲華陽集仲氏子安謂余曰今之為文者王宋
稱一代之宗李何為中興之冠然王宋反元習之靡
而不能不病於聲李何矯一時之弊而不能不泥其

迹故於詩獨取迪功子安刻勵二十餘年其性敦靜
簡默又能致其深沈之思其於詩鑄詞精而為旨遠
體骨奇俊辭彩英發吾宗之有子安則衣裳之冠冕
居室之棟梁矣

同師授每有述造輒相詔視商榷砥獎可得而言方

其家食含章與徐生黃定交筆札篤嗜工部既何

李篇出病其谿經專意建安至解巾登仕與蔡王二

又與王廣搜六代之詩披味耽翫稍回舊好雅許昌穀

盛乃曰詩雖選體亦無使盡闕唐風也故其詩特工

幽立以通思春容以御氣婉麗以陳詞和易以達理

憤懣以抒情綿暢以該事雋永以歸趣其始構也隻

字不愜於心片言無豔於目踟壁窮思擁衾寤索曾

不少休今稿中或兩字未竄或二語並存致蓋密矣
藝苑危言子安之東覽古選頗勝子循之禪棲近體
為佳子安卒蔡子木以詩哭之云五字沈吟詩品絕
一官憔悴世途難可謂實錄又云子安詩如玉盤露
屑清雅絕人惜輕謙短幅不堪裁翦
續吳先賢贊皇甫兄弟自相師友湜對策高第為郎
尤為昆季所推貴溪相任宗伯時所上章奏皆草之

或有故使他郎代即無以當其意改太子司直坐法
謫又移按察浙其在越詩曰東覽最盛以五言名
馮時可元成選集皇甫湜九日詩鷓鴣入怨柱蟲響
切離稠楓落他鄉早尊寒故國秋又河虛平夕霧閣
掩澹秋塵素霞昇逾靜高雲斂更新又新月詩微暉
不照綺清漢欲生塵雁山詩遙靄引疏磬羣峯寒暮
天四傑之概也公負才傲睨曾為春坊司直卒以纒
廢然郡中稱其人甚介謂皇甫白眉
明詩選陳卧子曰少立疑思選調意求雅則惟取境
不廣無縱橫宕逸之致
靜志居詩話子安逸蕩風飛清文綺合視子循工力
悉敵銖兩未分宜子凌之難為兄而子約之難為弟
也
明詩別裁子安枕藉選體故五言自高然得風格而
遺精理未云詣極也
田按子安刻意摹擬詞俊而格超可謂鏤冰雕瓊心
手雙絕

銅雀妓

帷牀棲累樹椒鶴鎖深宮花月常如昔君王不可同綺羅芳

愛盡臺館御遊空惟有西陵樹時時入望中

春朝雪後

拂曙啟荒扉雪照蘭林瑩迴榭眺氛氳層原閱彌互春動鳥
數聲晴開煙一徑欲訪垂綸人悠然五湖興

秋夜憶山中

悵茲豐景淪感此流暉馳青霄有翔隼落葢多寒枝徒對盈
樽酒美人不共持聊且娛心憂華月泛金池意隨流波結情
逐孤雲移猿鳴鶴以怨歲暮何遠為

生朝述懷

修名悵未立悲辰嗟屢邁眺榭感徂川芳華逝不留淒露洒
皋蘭颯颯天氣秋析析葉去榦翻翻鳥赴傳密雨垂檐駛迴

風繞隙流臨此傷年髮曾是戀恩猷且當投紱去桂樹山之
幽

歲暮述懷

崇情系淵邱遠迹愧朝闕自予結華綬於今垂素髮風樹斂
寒泉霜鐘流哀月乘此菽蕭悲彌傷芝蕙歇

雜詩

立駟道虛轍青旂肅盈軌時暘耀林端餘寒散巖趾乘化皆
良游登瞰春原美翩翩翔霄鸞矯翰憑雲起思慕遺榮客曠
襟有如此疇昔慨斯言風塵淹暮齒密親庶來同韓鄂邱園
裏

和子約弟新霽閒適

中林散微雨閑軒眺晚晴山原一綺麗虹日兩輝明長槐交
戶蔭新渠出水生開襟玩來藻延伫有餘清豈伊西陵獻獨
得啟予情

往視城南別業同子循弟作

赤嶠倦征輶滄江遂還策調笑掩竹書行吟事泉石芊緇東
溪樹迤邐南城陌榛蕪獨懷往堂構仍慨昔不見禾黍秋但
逢麕兔迹沼近伍胥臺市遠梅生宅遙觀經始期歲月殊復
易焚枯進深酌煙華靄將夕攜手遡歸雲惆悵平津客

春日隱居 二首

從宦蹇無成竭來務田畝悟身一虛幻萬事夫何有昭曠始
自茲逍遙眇長阜遠墟絕行塵東風搖谷口薜荔靄清川雲

霞生做牖隱凡忘吾言塔焉喪其偶

崇蘭茂北谷鮮藻榮南津摘蘭間雜佩采藻羞嘉賓攜手登

晴隴舒嘯懷先民潁陽有清波畏壘有清塵朝陽爛五雲光

照岩壑新且當放歌去聊用全吾真

春日閒賦

驚暉慕屢生淪華懽易失獨往終可期徒然嘆衰疾澤徑茲

翳茂林園趣非一芳雲起崇朝諸峯乘望出初泉乍交戶新

花尤映室覽物寡嬰慮幽居親道術邵生游或似尚子願未

畢寄謝山中人無使淹蕙日

子木見過伏枕弗對述簡

堦草含薄滋庭花罷餘蔭林淨夕迎霜天長朝送雁思君一

水隔跂予三秋眷馳暉杳莫攀歸雲時可見

贈間上人

東林禪誦地寰中閟靈壤蘿徑罕人蹤泉竹諧幽賞朗公法

門秀超迹絕煩想皓月窺淨心明霞鑒空象虛薄匪世姿胡

然久塵鞅領茲析冥論承言欣獨往

下西店遊目健眺海渚匯潮環山雲濤華勝

修坂無輟輪孤征寄塵鞅客心忽昭洗巒林納澄瀆蓬萊幾

清淺靈潮閱何廣伊子一壑觀從知百川長煙黛縟峯華雲

錦涵濤滉春合滄波深晴搖翠微上茲言采秀行兼值乘桴

往達生趣既秉齊物理尤朗東方傲旅遊西笑非情賞

雨宿桐巖嶺

朝馳碧澗隈夕到翠微裏揚炬歷危岑披林息塵軌半空霧
雨交衆壑風泉委清耳不避暗瑩心自爲美秉牘向雲蘿問
俗攜琴史滄洲非滯滯冥翰尋當理

登雲峯最高頂

稍聞翠微鐘猶自厭城郭復躡丹梯霞所見惟峯壑步趾窺
蓬瀛舉身向寥廓斜日挂危龕非煙開化閣翔鹿登素雲冥
苔繡瓊粵執掌懷仙蹤倍宿春華落靈區事遙踐海嶠果幽
諾伊予期會人聿來遊鸞鶴

踰盤嶺觀石門潭

總駕踰盤嶺探奇自茲始禽木非曩觀岑泉愕今擬來觀石
潭勝乃知巖瀨靜泓瑩靈碧錦礫耀蘭渙輕漣不映雲冷

風緣碶起春生滄海外霞散綠蘿裏客心在澄瀾豈但濯纓
美

入舟

停策厭霖潦登艫美雲樹輕飆自遠集川色靄已暮澄瀾含
霞彩遙洲泛秋素頗協倦遊情殊深隱淪慕從來困弱植拊
志慚遠度時會苟難并操持不易固放斥金河居眷戀玉門
驚幽桂日夜零悵望江海路邈哉袁生室忝此千載晤

夕泛遣思

開秋兆徂節汨吾旅川陽臨此秋氣悲旅魂滋洋洋何況隔
心賞徘徊眷河梁感別念有緒指途憂無方汀渚屢迴復風
濤增慨慷兩鄉日子歧一葦思誰杭微月挂石壁萍草亂寒

塘翳翳雲去岫塗塗露委芳淥水沿北船朱華嬉南橋聊自
知魚樂江湖永相忘

之崑邑道中書懷

迫歲物務繁念此近郊寧趨塗無百里江城望來隔三年謝
旅遊登艫悵疇昔旣感道路艱復嘆時序易川葦夾岸鳴湍
浪乘風逆微微散林旭泛泛隨波翻眷言濁酒尊誰遣他鄉
夕于方畏簡書春陽事行役

湖泛

我行踰孟冬風湍日云滯聿來沂淮甸還途指江裔暮靄散
黃蕪遊目盡湖勢蒼茫寒葭外浩瀼白雲際棲鳥去人煙驚
鳧下漁樵行行忽起遠望望更前詣天色隱鴻濛潮湍失空

霽客念坐纏綿臨泛泊無繫適國情已違歸田事仍戾永言
期滄洲拂衣自茲逝

桐巖曉發

厲澗越南岑拂霧趨東土宿處惟蒼煙遙天徑如縷林光曙
鳥散海氣寒雲聚憫勞感婦歎搖搖涉春雨

發郡城之天台道中述所經覽寄孔謝二憲副趙何二
僉憲同年

委羽周遐討飛流更幽棕林蘿踐已深巖巒去彌重綠雲迴
幽溪紫煙蔚奇峯霞摛金潭藻雨濯春山容但聞松泉音不
見鸞鶴蹤當同羽化客海上期遊從

觀石梁夜宿萬年寺迷遊寄伯氏子循子約三弟周山

人

微生不偶世孤拙恆自將徒欽楚老喻載履越人鄉五辭念
乖怛一往形瘵傷春山填委暇乘日事遊翔夕棲鸞霞陰旦
發桐栢陽旣弄石潭月復撥瓊臺芳雙闕轉天徑萬嶺鬱蒼
蒼鳳侶時鬢鬢花苔深紫房徘徊送落日上下窺飛梁緬懷
同襟懿暮色含悲涼絕冥良已遂心賞何由忘愁思雲關客
聞發清夜長

贈施比部四詠

孤雲正棲峴閒月始登嶠綠苔席餘尊金風吐仙調客有緜
山姿靜聞天聲妙萬壑皆能吟甯假蘇門嘯 峴山鐵笛
山尊不雕飾鴻濛契予情逃樊託深好遊古遺榮名神將餐

霞澹思與澗泉清頽然視萬物何啻如流萍

窪尊醉客

連山對澄磯輕漣發幽賞緬懷任公釣悠然范生槩花源互
窈窕雲波彌滉漾試問五陵豪何如雙溪長 茗雪漁長

蘭橈去悠悠碧浪何瀾瀾嘯傲天影中徘徊月明裏望隨兼
葭盡興逐鷗鳧起余亦倦塵纓從君問煙水 碧浪蘭舟

早春雪後看雨

雪罷清江曙春隨細雨來郊西好風景柳色半樓臺散漫兼
空淨芳菲觸處催行雲自無意怪得潤莓苔

高杜諸君同集

曲徑雲深處幽窗雨過時村墟隨地僻花鳥怨春遲綠酒追
朋好青山隔夢思開襟對公子高興戀佳期

夏夕雨後命酌同周子伯氏叔氏得頭字

冥陰淨窗竹池上雨初收坐覺寒泉瑩仍憐芳杜幽故人與
斟酌清夜愛淹留應附三何躡雲門可白頭

集談氏園亭

幽興偕仙步名園集綺辰檀欒題賦客巾拂舞花人落日臨
池好行雲繞坐新黃昏催秉燭更益晝堂春

昭慶寺翠筠禪房同孔學憲

城樓隔深竹龍象宛湖隄况復蒼蹊暮聞聞幽鳥嘒情知多
惠好靈境數招攜惆悵寒山路雲關處處迷

林居晚興

歸來滄海畔非復戀人羣獨樹晚成道疏花寒共芬南山平

入牖西澗靜流雲且對一杯酒誰能迷世氛

卜築

卜築向何處閒吟在澗詩自來迷歲月直是偶心期白鳥分
磯石寒山共酒卮一行歸蓮勺那復有塵羈

錢朱包三子過集賦贈

能賦三君手爭雄絲筆詩風雲難遽料今古一長悲秉燭宵
仍遣當歌興暫隨並看憔悴者敷藻盡吾師

橫塘晚興

郭外有幽棲閒情泝碧溪湖山相映發鷗鳥日招樵霞色浮
塘上鐘聲過水西歸來一邱壑源路使人迷

湖上作

芳章已被徑初陽仍滿津緬懷滄洲趣獨往雲蘿春鷗鳥宛
如故烟霞時復新暝延南湖月身意同清真

洽平寺

風中到香界獨往意冷然步引花木亂坐看洲島連一林寄
空水滿院生雲煙正此化心寂鐘聲松外傳

修和觀

桃溪隔隱處淡淡春波生乘日候煙駕有時聞鶴鳴山來香
閣徧雲下石床平永願啟金鑰齋心朝玉清

題朝天宮東麓亭

尋幽歷華苑緱嶺忽茲逢行引冷風入言將青鳥從花明石
道雨春靄雲到陸沈客如何迷去蹤

吳山人留宿靈谷禪房

松門下迴策杳靄鐘聲隨卻望東林路懷君獨往時歸禽白
雲盡殘日翠微滋惆悵烟蘿夕清風不可期

宿雁山靈巖寺

寥寥到眞境宿處傍風泉遙靄引疏磬羣峯寒暮天白雲滄
洲賞清夜石門禪卻笑桃源客空從蕙路旋

石梁

來尋方廣寺石壁路中分合澗飛丹壑春蘿挂碧雲苔梯徒
屢踐芝客信難羣不見花前女空音時復聞

登弘濟寺閣別謝施侯蔡四省友

高閣橫江出凌空石道行朋遊謝城郭幽意靄山楹斷壑晴

雲滿長蕪夕鳥平迴波對延伫一遣別離情

將至東昌

前瞻博平郡雲渚蕩清暉晨風一何鴻秋鴻稍欲微今日他鄉酒思共故人揮獨有空林葉蕭蕭滿岸飛

舟還使風

宵來苦湍浪晨喜逐風行獨此揚帆去遙隨飛鳥征望雲疑岸駛出浦覺船輕卻笑淹留客元知不共情

懷吳客部以容

故人吳季子起草仙臺端蘭省碧雲外瓊枝何日看江銜遠空盡月帶疏煙寒芳歲一爲別夢來秋草殘

同子循初秋雨後懷虎山橋

同君別山寺心每懷滄洲山館對新霽烟虹開遠流空歌碧雲暮悵望石梁遊况復西津月蕭蕭此夜秋

皇甫汈三十五首

汈字子循淳弟嘉靖己丑進士除工部主事歷員外郎中謫黃州推官召爲南吏部郎中謫開州同知改處州遷雲南按察僉事有司勳集六十卷慶曆集二十卷

馮時可兩航雜錄皇甫子循詩名與王元美相累吳下能詩者朝子循而文元美或問其優劣周道甫曰子循如齊魯變可至道元美如秦楚強遂稱王王世貞弇州史料子循五言律最工七言次之有錢劉風調四友齋叢說近時皇甫百泉解頤新語不但文字藻麗而銓品亦精確可爲詩家指南詩藪皇甫子循以六朝語入中唐調而清空無迹揚

用修以六朝語作初唐調而雕繪滿前故知詩有別才學貴善用
明詩選宋韓文日子循望過子安而其實不逮
靜志居詩話百泉清音藻思五言整於小謝五律隼
於中唐清真朗潤妙絕時人
田按子循五律清裁雅調自是一時之俊五古亦是
當家至模範魏晉鎔鑄齊梁於子安稍遜一籌

臨高臺

高臺望不極臨竝意何窮茂苑花為苑吳宮錦作宮管絃虛
夜月羅綺罷春風獨惜鳥嘯處猶聞曲怨中

折楊柳

不見隋隄柳長條大道間絲陰流水去帶影逐春妍妬眉銷
翠黛聽笛損朱顏日暮行人盡思君可重攀

擬中婦織流黃

金閨方永夜翠袖理殘機燈花斜落鏡月光低鑿幃寸心共
絲斷雙淚與梭揮作伴除蛩響驚眠惟雁飛織就當窗素裁
為遠道衣從今芳訊達不及早旋歸

空梁落燕泥

金閨春色早玉關芳信餘人歸翻後燕淚盡每先花戶暗香
泥積梁低舞影斜不作雙飛去東鄰王謝家

春日遊西山作

吳鄉信云美山水饒嘉麗疊巘表參差層巒隱虧蔽時惟二
月芳雨散千門霽蕙畹蕩雲滋蘭皋屏氛翳獨攜邱中琴言
鼓江上柂結友遵巖阿尋僧指林際仰看眾鳥翔俛悅儵魚
逝物理相因依余蹤且留滯

天界寺贈半峰上人

顧省紛俗嬰尋山愜幽趣秋水淨金河寒雲翳珠樹了看花落時莫辨鳥還處休公別來詩江生擬將賦

雨過高座寺

積雨黯花邱綠雲入香界修策振林間疏鐘落峯外康樂誦阿含陳思演清唄欲除常戀牽惟是逃虛快

雪日寄王戶曹湖上官舍

初雪度江城殘雲來省閣覽物嗟歲殫懷人悵居索擇木本同棲傾枝猶異託維舟安可從開尊自成酌

移官越中初返家園奉答伯兄虞山見寄

薄遊逗京邑獨往眷長林始奉越鄉役因愜故山尋曠茲二載別良晤展斯今誰謂百里間猶自邈徽音未結邱中賞先枉池上吟睇燕悲稍戢懷荆慨以深花源迴俗轍蘿逕斷塵簪且駐稽東駕雲扉期此心

盛二仲交示廣志賦因贈

江左本多奇盛生稱獨秀速化有性靈棲立謝塵垢披帙十行俱擁衾萬言就揖手青門東醉心在良觀廣志擬雕蟲織書臻古籍情同呼覓餘興是凌雲後愧匪辨璧資相邀出金奏

雨懷盛二時在清聽齋中

支齋營八關陶情緬二徑嗟我裘羊徒悵此琴尊興室邇心獨遐城巖迹難并卮言誰與談籥理自相證細雨忽成寒輕

弄坐生暝天風迴海潮秋聲送清聽

郡齋作

雅志懷山棲復得理山郡蒼岫入南楹白雲帶西徑雖事簿
領勞時與烟霞并心曠眺既遐迹沈尋亦近下車芳載徂牽
牒明兩迅仁靜樂有餘拙遲澹無競命藻酬清暉濡毫愧靈
運

聞郡檄至簡子約

同時參外庭一朝謝朝列鍛羽非難馴所驚峻網設逸足晞
高驥聊以就羈繼予季廟廊姿爲邦茂時哲及暮宣令猷何
暮仁來轍承檄懼有愆趨裝悵無悅曾是東山情薄茲西河
烈芳歲若電馳隆休亦颯警翹首關路長寸心念將別

春日懷子安兄

恭承東省拜悵望北辰遙香寢分宵直花天散早朝吏情春
更逸詩興日應饒空有雙鳧鳥無因渡玉橋

渡衛

問水知臻衛揚帆此渡河清秋常細雨落日更蒼波言采芡
蓉佩情忘鷗鳥過江干有舟楫歸興獨如何

同陳給事林尚寶遊毘陵胡舍人園

竝是仙舟下因成金谷遊亭開一水曲山隱百花幽繁圃春
常駐晴尊雨更留那知龍卧意猶繞鳳池頭

親友道余至京口擬登金山餞別值雨不果

雲將孤島翳雨阻一江分竟日嵐猶濕終宵汐並聞遊心飛

浩渺望眼入氤氳莫恨登臨晚晴時是別君

懷楚中舊僚張子時遷東昌尉

牢落同為郡翮飛最憶君離尊郢門雪歸馬漢城雲道路情
難極星霜歲易分心如洞庭葉秋晚只紛紛

道中寄憶衲子大林

歲晚東林樹淮南落木同齋虛立度月江倚惠連風塵劫看
為累榮名悟是空歸期殊未得持此報休公

送陳子知杭州

東省含香吏南邦佩印臣離心冷城月別路武林春碧水移
蘭舸青山擁畫輪岳王遺寢在拜手薦江蘋

觀音閣同比部諸君餞別家兄

躋險因慈閣憑虛託化城江山一以眺雲樹總含情鐘外潮
聲盡尊前花雨輕迴波去無限應是旅愁生

安隱寺

人天卽此路花雨見空臺刹盡南朝建經多西土來碑荒殘
蘇合僧定野棠開了悟身如幻何須訪劫灰

上巳日同友人集大甯寺得幽字

帝里冠裳集禪堂禊事修人天春駐景花竹暝通幽香積開
芳宴金河引曲流誰云王逸少陳迹獨千秋

秋夜集李守衙齋

政閒庭每寂吏散日猶曛下榻生秋思傳杯語夜分暗花微
泣露纖月淨開雲失路聊相倚何期御李君

邯鄲道

邯鄲臨古道車馬此通津錦瑟空埋恨緇衣易染塵王昌非
蕩子趙女是才人迸逐漳流盡荒臺蔓草春

白雲山

青山行處盡始覺白雲深錫化無僧在鐘鳴有客尋花溪遙
隱壑蘿徑曲通林坐得浮生理悠然忘我心

東溪寺

東溪斜帶郭數里接仙源嵐氣迴盤嶺灘聲到石門僧開翠
微舍客造白雲軒訝可無機事看鷗代晤言

登赤壁

萬古滄江上清秋赤壁開浴鳥知舊渚橫鶴見新臺妙齒瑜

非昔雄心操已灰媿無題賦手猶欲記重來

哭姪阿乘

長魚疲侍疾季琰妙通禪毀性安疏節無生得大年松邱成
異代花徑隔重泉一見西河泣誰能不泣然

詠扇

吳繭新傳製齊紈舊得名塵來聊障面歌罷尙持情學月何
曾滿懷風不奈輕莫須逢內史價始重稽城

關索嶺

斲石微通路攢峯儼作關雲中馬嘶去天上鳥飛還水向盤
江匯坡從香樹攀平生慣履險於此亦摧顏

寄雲谷上人

棲霞信靈境滅迹企前規松覆梁王宇苔荒江總碑鱸歸秋
興後猿定夜禪時怨別心千里惟應江水知

贈巖叟

聞有君平隱湖山不易逢溪藏幽處隴雲合曉來峯嘯鳥閒
中興馴鷗物外踪尋君迷九曲花樹一重重

鄱陽

鄱口曉來望潯陽路此通頽波銷霸業蔓草没王宮霧色香
爐上秋聲瀑布中禪心與遊思并落楓林東

惠山簡汪沛

閉戶沈冥久尋山感慨生靈泉常淨色空梵亦秋聲花雨行
間濕松陰坐處清不逢雷處士臨眺獨含情

皇甫濂九首

濂字子約一字道隆冲弟嘉靖甲辰進士除工部主

事謫河南布政理問遷興化同知有水部集二十卷

司勳集子約詩每出開曠彌覺冲逸兼好綠華紫清
之章貝葉珠林之偈景純振響於仙遊摩詰攄懷於
禪寂興到斯成曾無造次應酬之語

松韻堂集水部詩清質罕儷其志意亦復立曠故其
文乃爾

黃德水國華集水部詩意立詞雅律細調清長於造
景務在幽絕山藏水闕披露良多

明詩選宋轅文曰子約盛有才名其詩頗傷浮急
靜志居詩話蔡子木哭子安詩云五字沈吟詩品絕

一官樵悴世途難孝子鱗送子循詩云吳下詩名諸
弟少天涯宦迹左遷多子約宦亦不達與諸兄同詩

稍不逮也
田按子約詩步趨晉宋盛唐善於言情讀之令人增
骨肉之重近體微傷局促

王甥至傳家兄信感賦

昔我別都門與子成東西蔓草一爲惜柔楊三綠黃今爾客
南冠猶沾故國泥再歎浮迹言因傷中道睽爲我說余兄低
眉曠雲霓能不摧人心喟焉鄉思迷生世苦結束悵邈青山
蹊

彭澤

重江轉溪綠疊嶂敷林滋山色信茲美清風播休時弦歌薄
從宦景物聊所宜遐想歸來晚何勞束帶爲以子獨任意兼
此形役悲飛鳥征途外浮雲空我思有情依澤柳結念在江
離愧彼栖遲者猶懷三徑資

悼子乘

冥冥雨露集熙熙歲始更靈蠢各有化人理獨無生念我泉

下子一絕如朝榮生男以待終胡爲邁天熒清塵布虛室寒
晦凝軒屏流目無存影涕淚交霑纓悵懷何能已歎息每遺
聲堂闈曠綦迹詩書空復盈奚但腸九迴心膂成頽崩媿乏
延陵達無乃傷我明

列朝詩集吳中先輩盛稱水部悼子不減安仁悼亡
能敘悲怨

眞州留別華陽兄

河梁意不盡相送到眞州歲月成今別江山是昔遊各言衰
鬢客那忍故園秋明發東西恨惟看一水流

百泉兄同過虎邱如山僧院

春中微雨後卉木散華滋況是東林近偏宜吟卧時水煙閒
鳥下山靄夕雲遲何必招蓮社相攜就遠師

偶過吳江訪子新

一徑儻然卧何如仲蔚廬蘿煙棲枕簟湖月入階除靜有名
山思閒惟老氏書平生尊酒意重對夜窗虛

登懷度樓

一作江陵客長懷庾子山林陵美相映雲榭獨來攀恩禮洲
東舊才名鄴下還子規花外語愁思入鄉關


柳枝詞



韶華回首悵離宮梁苑隋堤荒草中獨有江邊楊柳色垂垂
還是怨春風

潘岳宅

寂寂閒居弔昔人芳臺修閣總遺塵洛陽花態渾無數空作

荒郊一段春





東

韻

東

東



70047830

